

漢

書



八

083.2

0022

8-6

A-5509





郊祀志卷第五上

班固

漢書二十五

秘書監上護軍琅邪縣開國子顏

師古

注

洪範八政三曰祀

師古曰祀謂祭祀也

祀者所以昭孝事祖通

神明也旁及四夷莫不修之下至禽獸豺獺有祭

師古曰禮記月令季秋之月豺祭獸子孟春之月獺祭魚豺犖搏之獸形似狗獺水居而食魚祭者謂殺之而布列以祭其先也豺音仕皆反獺

音吐

是以聖王爲之典禮民之精爽不貳齊肅聰明

者神或降之

師古曰爽明也齋讀曰志

在男曰覲在女曰巫

師古曰巫覲亦通稱耳覲音下伏反

使制神之處位爲之牲器使先聖之

後能知山川敬於禮儀明神之事者以爲祝能知

四時犧牲壇場上下民姓所出者以爲宗

應劭曰上下謂天地

之屬神也。氏姓王族之別也。宗，大宗也。巨，瓚。瓚，曰宗。宗伯也。師古曰：二說皆非也。祝謂主祭之贊詞者。積土為壇，平地為場。氏姓謂神本所出及見所當為主者也。宗，宗人。王神之列位。尊卑者也。春秋左氏傳曰：號公使祝應宗區享神也。又云：祝宗用馬于四墉，並非宗伯及大宗也。故

有神民之官各司其序不相亂也。民神異業，敬而

不黷。師古曰：黷，汙也。黷，音讀。故神降之嘉生。應劭曰：嘉，穀也。師古曰：嘉生謂眾瑞。民以

物序。孟康曰：各有分叙也。災禍不至，所求不匱。師古曰：匱，乏也。及少昊之

衰，九黎亂德。孟康曰：少昊時諸侯作亂者也。韋昭曰：黎氏九人也。民神雜擾，不可放

物。師古曰：放，依也。物，師古曰：放音甫，往反。家為巫史，享祀無度，民黷齊明而神

弗蠲。師古曰：齊，讀曰齋。蠲，潔也。嘉生不降，禍災荐臻，莫盡其氣。師古曰：齊，讀曰齋。蠲，潔也。

曰言不究其性命也。顛頊受之，迺命南正重司天，呂屬神命火

正，黎司地，呂屬民。應劭曰：黎，陰官也。火數二，地數也。故火正司地以屬萬民。師古曰：屬，委也。以其事

委之也屬音之欲反

使復舊常亡相侵黷自共工氏霸九州其

子曰句龍能平水土死爲社祠

師古曰共工氏在太昊炎帝之間無祿而王故謂之

霸句讀日鉤

有烈山氏王天下其子曰柱能殖百穀死爲

稷祠

師古曰烈山氏炎帝

故郊祀社稷所從來尚矣

師古曰尚上也謂起於上古

虞書曰舜在璿璣玉衡以齊七政

師古曰虞書舜典也在察也璿美玉也璣轉而

衡平以玉爲璣衡謂渾天儀也七政日月五星也言舜觀察機衡以齊同日月五星之政度合天意

遂類于上帝禋

于六宗

孟康曰六宗星辰風伯雨師司中司命一說云乾坤六子又說天宗三日月星辰地宗三太山河海或曰天地間游神

也師古曰類以類祭也上帝天也繫精以祀謂之禋六宗之美說者多矣乾坤六子其最通乎

望秩于山川徧

于羣神

師古曰望謂在遠者望而祭之秩大也羣神丘陵墳衍之屬

損五瑞

師古曰損與輯同損合也五瑞

公侯伯子男之瑞五

擇吉日日見四嶽諸牧班瑞

師古曰四岳諸牧謂四方諸侯班布



震死

師古曰帝乙武乙也為韋囊盛血仰而射號曰射天後遇雷震而死也

後三世帝紂淫亂

武王伐之由是觀之始未嘗不肅祗後稍怠慢

也周公相成王王道大洽制禮作樂天子曰明堂

辟雍

師古曰明堂辟雍解在平紀

諸侯曰泮宮

師古曰泮之言半也制度半於天子之辟雍也泮音

普半反

郊祀后稷以配天宗祀文王於明堂以配上帝

師古曰郊祀祀於郊也后稷周之始祖也宗尊也文王周始受命之王上帝大微五帝也

四海之內各以其職

來助祭天子祭天下名山大川懷柔百神咸秩無

文

師古曰懷來也柔安也言招來百神而安處之也稱百者言其多也秩序也舊無禮文者皆以次序而祭之

五嶽視

三公四瀆視諸侯

師古曰江河淮濟為四瀆瀆者發源而注海者也視謂其禮物之數也

而諸

侯祭其疆內名山大川

師古曰疆境也

大夫祭門戶井竈中

雷五祀

韋昭曰古者亦居故名室中爲中雷

士庶人祖考而已各有典禮

而淫祀有禁後十三世世益衰禮樂廢幽王無道

爲犬戎所敗平王東徙雒邑秦襄公攻戎救周列

爲諸侯而居西自以爲主少昊之神作西時祠白

帝其牲用騊駼黃牛羝羊各一云

師古曰騊赤馬黑驢尾也羝牡羊也騊音

留羝音丁奚反

其後十四年秦文公東獵汧渭之間

師古曰汧渭二水名

汧音牽

卜居之而吉文公夢黃虵自天下屬地

師古曰屬屬著也

音之欲反

其口止於鄜衍

李奇曰鄜音孚三輔謂山陵間爲衍晉灼曰左馮翊鄜縣之衍也師古曰今之鄜州蓋取

名於此也

文公問史敦

師古曰秦之木史也敦其名也

敦曰此上帝之徵君

其祠之於是作鄜時用三牲郊祭白帝焉自未作

酈時而雍旁故有吳陽武時李奇曰於旁有吳陽地也雍東有好

時皆廢無祀或曰自古以雍州積高神明之隩師古

曰土之可居曰隩音於六反故立時郊上帝諸神祠皆聚云蒼黃帝

時嘗用事晚周亦郊焉師古曰晚謂末時也其語不經見縉紳

者弗道李奇曰縉插也插笏於紳紳大帶也巨瓚曰縉赤白色也紳大帶也左氏傳有縉雲氏師古曰李云縉插是也字本

作縉插笏於大帶與革帶之間耳非插於大帶也或作薦紳者亦謂薦笏於紳帶之間其義同作酈時後九年

文公獲若石云于陳倉北阪城祠之蘇林曰質如石似肝師古曰陳倉之

北阪上城中也云語辭也其神或歲不至或歲數來也常以夜光

輝若流星從東方來集于祠城若雄雉其聲殷殷

云野雞夜鳴師古曰野雞聲也云傳聲之亂也野雞亦雉也避呂后諱故曰野雞言陳寶若來而有聲則野雞皆

鳴以應之也上言雄雉下言野雞史駁文也

殷音隱以一牢祠之名曰陳寶

臣瓚曰陳倉縣有寶

夫人祠或一歲二歲與葉君合葉君神來時天爲之躬躬雷鳴雉爲之雉也

作陳寶祠後七十一

年秦德公立卜居雍

師古曰即今之雍縣

子孫飲馬於河遂都

雍雍之諸祠自此興用三百牢於鄜時作伏祠

師古曰

曰六月伏日也周時無至此乃有之師古曰伏者謂陰氣將起迫於殘陽而未得升故爲臧伏因名伏日也立秋之後以金代火金畏於火故至庚日必伏庚金也 磔狗邑四門以御蠱災後四年秦宣公作

密時於渭南祭青帝後十三年秦穆公立病卧五

日不寤

師古曰寤覺也覺音公孝反

寤迺言夢見上帝

師古曰上帝謂天也

上帝

命穆公平晉亂史書而臧之府

師古曰府臧書之處

而後世皆

曰上天穆公立九年齊桓公既霸會諸侯於葵丘

而欲封禪

師古曰葵丘會在僖九年葵丘在陳留外黃縣東封禪者封土於山而禪祭於地也禪音上戰反解在武紀

管仲曰古者封泰山禪梁父者七十二家

師古曰父音甫

而

夷吾所記者十有二焉昔無懷氏封泰山禪云云

鄭氏曰無懷古之王者在伏羲前見莊子服虔曰云云在梁父東山名也晉灼曰云云山在蒙陰縣故城東北下有云云亭

處羲

封泰山禪云云

師古曰處讀曰伏

神農氏封泰山禪云云炎

帝封泰山禪云云

李奇曰炎帝神農後

黃帝封泰山禪亭亭

曰亭亭山在牟陰晉灼曰地理士心鉅平有亭亭山師古曰晉說是也

顓頊封泰山禪云云帝嚳

封泰山禪云云堯封泰山禪云云舜封泰山禪云

云禹封泰山禪會稽但勿封泰山禪云云周成王封

泰山禪於社首

應劭曰社首名在博縣晉灼曰在鉅平南十二里師古曰晉說是也

皆受命然

後得封禪桓公曰寡人

北伐山戎過孤竹

應劭曰伯夷國也在

遼西令支師古曰今音郎定反支音神祇之祇

西伐東馬縣車上卑耳之山

韋昭曰將上山

纏束其馬縣釣其車也卑耳即齊語所謂辟耳

南伐至召陵

師古曰召陵楚地也在汝南召讀曰劭

登熊

耳山以望江漢

師古曰熊耳山在潁陽北益陽縣東非禹貢所云導洛自熊耳者也其山兩峯狀亦若熊耳因

以為名也

兵車之會三乘車之會六九合諸侯一匡天下

師古曰兵車之會三謂莊十三年會於北杏以平宋亂僖四年侵蔡蔡潰遂伐楚次于陘六年伐鄭圍新城也乘車之會六謂莊十四年會于

鄆十五年又會于鄆十六年同盟于幽僖五年會于首止八年盟于桃九年會于葵丘也匡正也一匡天下謂定襄王為天子之位也一說謂

陽穀之會今諸侯云無障谷無貯粟無以妾為妻天下皆從故云一匡者也

諸侯莫違我昔三代

受命亦何以異乎於是管仲睹桓公不可窮以辭

因設之以事曰古之封禪鄒上黍北里禾所以為

盛

應劭曰鄆音腫蘇林曰鄆上北里皆地名也師古曰盛謂以寶簫貧血

江淮間一茅三脊所以

為藉也

服虔曰茅草有三脊也張晏曰謂靈茅也師古曰藉以藉地也音才夜反

東海致比目之

魚

師古曰爾雅云東方有比目魚焉不比不行其名謂之鱮音土羔反

西海有比翼之鳥

師古曰山海經

云崇吾之山有鳥狀如鳧而一翼一目相得乃飛其名鸞爾雅曰南方有比翼鳥焉不比不飛其名謂之鸞鵠而管仲乃云西海其說異也

然後物有不召而自至者十有五焉今鳳皇麒麟

師古曰

不至嘉禾不生而蓬蒿藜莠茂鷓鴣梟羣翔

蓬蒿

藜莠皆穢惡之草梟不祥之鳥也鷓鴣甚益今所謂角鴟也梟上梟也

而欲封禪無乃不可乎於

是桓公乃止是歲秦穆公納晉君夷吾其後三置

晉國之君平其亂

師古曰三立其君謂惠公懷公文公

穆公立三十九年

而卒後五十年周靈王即位時諸侯莫朝周甚弘

迺明鬼神事

師古曰葺弘周大夫

設射不來不來者諸侯之不

來朝者也依物怪欲以致諸侯諸侯弗從而周室

愈微後二世至敬王時晉人殺葺弘

李奇曰周爲晉殺之也師古曰春秋

左氏傳哀公三年傳稱劉氏范氏世爲婚姻葺弘事劉文公攻周與范氏趙鞅以爲討周人殺葺弘也

是時季氏專

魯旅於泰山仲尼譏之

師古曰旅陳也陳禮物而祭之也陪臣祭泰山僭諸侯之禮孔子非之曰

嗚乎曾謂泰山不如林放乎事見論語

自秦宣公作密時後二百五十年而

秦靈公於吳陽作上時祭黃帝作下時祭炎帝後

四十八年周大史儋見秦獻公

孟康曰太史儋謂老子也師古曰此亦周之太

史名非必老聃老聃非秦獻公時儋音丁甘反又吐甘反

曰周始與秦國合而別別五

百載當復合

應劭曰秦伯翳之後也始周孝王封非子爲附庸邑諸秦平王東遷洛邑襄公以兵備之嘉其勳力

列爲侯伯與周別五百載矣昭王時西周君自歸受罪盡獻其邑三十六城此復合也孟康曰謂周封秦爲別秦并周爲合此襄王爲霸始皇爲王也韋昭曰周封秦爲始別謂秦仲也五百歲從秦仲至孝公疆大顯王致伯與之親合也師古曰諸家之說皆非也自非子至西周獻邑凡六伯五十三歲自仲至顯王二十六年孝公稱伯止有四百二十六歲皆不合五百之數也按史記秦本紀及年表並云周平王封襄公始列爲諸侯於是始與諸侯通又周本紀及吳齊晉楚諸系家皆言幽王爲犬戎所殺秦始列爲諸侯正與此符會是乃爲別至昭襄王五十二年西周君自歸獻邑凡五百一十六年

是爲合也言五百者舉其成數者也

合七十年而伯王出焉

韋昭曰武王昭王皆伯至始皇而王天下師古曰七十當爲十七今史記舊本皆作十七字伯王者指謂始皇始皇初立政在太后嫪毐未得稱伯自昭王滅周後至始皇九年誅嫪毐止十七年本紀年表其義顯而韋氏乃合武王昭王爲數失之遠矣伯讀曰霸

僖見後

七年櫟陽雨金獻公自以爲得金瑞故作畦時櫟

陽而祀白帝

師古曰畦時者如種韭畦之形而於畦中各爲一土封也畦音下圭反

後百一十

歲周赧王卒九鼎入于秦或曰周顯王之四十二

年宋犬丘社亡

師古曰爾雅云左陵秦丘謂丘左有陵者其名而秦丘也郭璞云宋有秦丘蓋以丘名此地也

鼎淪沒於泗水彭城下自赧王卒後七年秦莊襄

王滅東周周祀絕後二十八年秦并天下稱皇帝

秦始皇帝既即位或曰黃帝得土德黃龍地螾見

應劭曰螾丘蚓也黃帝土德故地見其神蚓大五六圍長十餘丈如淳曰呂氏春秋云黃帝之時天先見大螻大螾黃帝曰土氣勝故其色尚

黃師古曰螾音引夏得木德青龍止於郊草木鬯茂師古曰螾音樓謂螾也

曰螾與暢同殷得金德銀自山溢蘇林曰周得火德有赤烏

之符師古曰謂武王伐紂師渡孟津之時也尚書中候曰有火自天止于王屋流爲赤烏五至以穀俱來今秦變周

水德之時昔文公出獵獲黑龍此其水德之瑞於

是秦更名河曰德水以冬十月爲年首色上黑度

呂六為名

張晏曰水北方黑終數六故以方六寸為符六尺為步

晉上大呂

師古曰大呂陰律之始也

事統上法

服虔曰政尚法令也巨瓚曰水陰陰主刑殺故上法

即帝位三年東巡郡

縣祠騶嶧山

蘇林曰騶魯縣也巨瓚曰嶧山在北師古曰嶧音亦

頌功業

師古曰謂刻石自著功業

於是從齊魯之儒生博士七十人至于泰山下諸

儒生或議曰古者封禪為蒲車惡傷山之土石草

木

師古曰蒲車以蒲裹輪

掃地而祠席用苴

藉

應劭曰藉蒙本也去皮以為席如淳曰苴讀如

租藉讀如夏晉灼曰苴藉也師古曰茅藉也苴字本作苴假借用

言其易遵也始皇聞此議

各珥異難施用由此黜儒生

師古曰黜退也

而遂除車道上

自泰山陽至顛立石頌德明其得封也從陰道下

師古曰山南曰陽山北曰陰

禪於梁父其

禮頗采泰祝之祀雍上帝

所用而封臧皆祕之世不得而記始皇之上泰山

中阪遇暴風雨休於大樹下諸儒既黜不得與封

禪

師古曰與讀曰豫也

聞始皇遇風雨即譏之於是始皇遂東

游海上行禮祠名山川及八神求僊人羨門之屬

應劭曰羨門名子高古仙人也師古曰古亦以僊字爲仙下皆類此

八神將自古而有之或曰

太公呂來作之齊所以爲齊呂天齊也

蘇林曰即當天中央齊也

師古曰謂其衆神異如天之腹齊也

其祀絕莫知起時八神一曰天主祠

天齊天齊淵水居臨菑南郊山下下者

師古曰下下謂最下也臨

菑城南有天齊水五泉竝出蓋謂此也

二曰地主祠泰山梁父蓋天好陰祠

之必於高山之下時命曰時

師古曰名其祭處曰時也

地貴陽祭

之必於澤中園丘云三曰兵主祠蚩尤蚩尤在東

平陸監鄉齊之西竟也師古曰東平陸縣名也監其縣之鄉名也四曰陰主

祠三山師古曰三山即下所謂三神山五曰陽主祠之罘山韋昭曰之罘不山在東萊腫

師古曰罘音浮腫音直瑞反六曰月主祠之萊山韋昭曰在東萊長廣也皆在齊

北竝勃海師古曰竝音步浪反七曰日主祠盛山盛山斗入海

韋昭曰盛山在東萊不夜縣斗入海也師古曰斗絕也盛音成最居齊東北陽呂迎日出

云八日四時主祠琅邪琅邪在齊東北蓋歲之所

始師古曰山海經云琅邪臺在勃海間謂臨海有山形如臺也皆各用牢具祠而巫祝所

損益圭幣雜異焉師古曰言八犧牲牢皆同而圭幣各異也自齊威宣時騶

子之徒論著終始五德之運如淳曰今其書有五德終始五德各以所勝為行秦謂周

爲火德滅火者水故自謂
水德師古曰騶子即騶衍

及秦帝而齊人奏之故始皇采

用之而宋毋忌正伯僑元尚羨門高最後皆燕人

爲方僂道

韋昭曰皆慕古人之名効爲神仙者也師古曰自宋毋忌至最後皆其人姓名也凡五人

形解銷

化

服虔曰尸解也張晏曰人老而解去故骨如變化也今山中有龍骨世人謂之龍解骨化去應劭曰列仙傳曰崔文子學仙於王子喬王

子喬化爲白蜺文子鸞引戈擊之俯而見之王子喬之尸也須臾則爲大鳥飛而去師古曰服張二說是也

依於鬼神之神

事騶衍以陰陽主運

晉灼曰燕昭王築宮師之故作主運之篇也如淳曰今其書有主運五行相次

轉用事隨方面爲服也

顯於諸侯而燕齊海上之方士傳其術

不能通然則怪迂阿諛苟合之徒自此興不可勝

數也

師古曰迂謂回遠也音于

自威宣燕昭使人入海求蓬萊方

丈瀛洲此三神山者其傳在勃海中

服虔曰其傳書云爾且瓊曰世

人曰傳云爾師
古曰瓚說見也

去人不遠蓋嘗有到者諸僂人及不死

之藥皆在焉其物禽獸盡白而黃金銀爲宮闕未

至望之如雲及到三神山反居水下水臨之患且

至則風輒引船而去終莫能至云世主莫不甘心

焉

師古曰甘心言貪嗜之心不能已也

及秦始皇至海上則方士爭言之

始皇如恐弗及使人齎童男女入海求之船交海

中皆以風爲解

師古曰自解說云爲風不得至

曰未能至望見之焉

其明年始皇復游海上至琅邪過恒山從上黨歸

後三年游碣石考入海方士

師古曰考校其虛實也

從上郡歸

後五年始皇南至湘山遂登會稽竝海上

師古曰附海而上也

並音步浪反
上音時掌反

幾遇海中三神山之竒藥

師古曰幾讀曰冀

不得

還到沙丘崩

白璜曰沙丘在鉅鹿縣東北也

二世元年東巡碣石並海

師古曰並音步浪反

南歷泰山至會稽皆禮祠之而胡亥刻勸始皇

所立石書夢以章始皇之功德

師古曰今此諸山皆有始皇所刻石及胡亥重

刻其文並具存焉

其秋諸侯叛秦三年而二世弑死始皇封

禪之後十二年而秦亡諸儒生疾秦皇焚詩書誅

滅文學百姓怨其法天下叛之皆說曰始皇上泰

山爲風雨所擊不得封禪云此豈所謂無其德而

用其事者邪昔三代之居皆河洛之間

師古曰謂夏都安邑殷都

朝歌周都洛陽故嵩高高爲中嶽而四嶽各如其方四瀆咸在

山東至秦稱帝都咸陽則五嶽四瀆皆并在東方

自五帝以至秦迭興迭衰師古曰迭五也音大結反名山大川或

在諸侯或在天子其禮損益世殊不可勝記師古曰

異故不可盡記及秦并天下令祠所常奉天地名山大川鬼

神可得而序也於是自嶠以東名山五大川祠二

師古曰嶠即今之陝州二嶠也曰大室大室嵩高也恒山泰山會稽湘

山水曰沛曰淮師古曰沛音子禮反此本濟水之字春以脯酒爲歲禱因

泮凍服虔曰解凍也師古曰泮音普半反秋涸凍師古曰涸讀與涇同疑也音下故反春則解之秋則凝之春秋

左氏傳曰固陰涇寒禮記月令曰孟冬行春令則東閉不密冬塞禱祠師古曰塞謂報其所祈也音先代反下並同也

其牲用牛犢各一牢具圭幣各異自華以西名山

七名川四曰華山薄山薄山者襄山也

師古曰說者云薄山在河東一

曰在潼關北十餘里而此志云自華以西者則今聞鄉之南山連延西出竝得華山之名

岳山岐山吳山鴻冢

瀆山瀆山蜀之岷山也

師古曰周禮職方氏雍州其山曰岳爾雅亦云何西曰岳說者咸云岳即

吳岳也今志有岳又有吳山則吳岳非一山之名但未詳岳之所在耳徐廣云岳山在武功據地理志武功但有垂山無岳山也岐山即在今

之岐山縣其山兩岐俗呼爲箭括嶺吳山在今隴州吳山縣鴻冢釋在下岷山在瀘旻道

水曰河祠臨晉

師古曰即

今之同州 泗祠漢中

師古曰泗漢水之上名也漢中今梁州是也泗音彌善反

湫淵祠朝

那

蘇林曰湫淵在安定胡那縣方四十里傳水不流冬夏不增不減不生草木音將蓼涿郡道縣師古曰此水今在涇州界清徹可愛不容

穢濁或誼汚輒興雲雨土俗元早每於此求之相傳云龍之所居也而天下山川隈曲亦往往有之湫音子由反

江水祠

蜀亦春秋泮涸禱塞如東方山川而牡亦牛犢牢

具圭幣各異而四大家鴻歧吳嶽皆有嘗禾

孟康曰以

新穀祭之

陳寶節來祠

服虔曰陳寶神應節來也

其河加有嘗醪此皆

雍州之域近天子都故加車一乘駟駒四霸產豐

澇涇渭長水皆不在大山川數

師古曰霸產出藍田縣其澇出鄠長水者言其源流長

也澇音勞

呂近咸陽盡得比山川祠而無諸加

師古曰加謂車及駟

駒之屬

汧洛二淵鳴澤蒲山嶽壻山之屬

蘇林曰壻音晉韋昭曰音蘇計反師

古曰韋說是也

為小山川亦皆禱塞泂涸祠禮不必同而雍

有日月參辰南北斗熒惑太白歲星填星辰星二

十八宿風伯雨師四海九臣十四臣諸布諸嚴諸

逐之屬百有餘廟

師古曰風伯飛廉也雨師屏翳也一日屏號而說者乃謂風伯箕星也雨師畢星也

此志既言二十八宿又有風伯雨師則知非箕畢也九月十四日不見名數所出諸布諸嚴諸逐未聞其義逐字或作速音求屏並音步丁反

西

亦有數十祠於湖有周天子祠於下邳有天神豐

鎬有昭明天子辟池於杜亳有五杜主之祠壽星

祠韋昭曰亳音薄湯所都也臣瓚曰濟陰薄縣是也師古曰杜即京兆杜縣也此亳非湯都也不在濟陰徐廣云京兆杜縣有薄亭斯近之

矣而雍管廟祠亦有杜主李奇曰管茅也師古曰管音茲杜主故周

之右將軍師古曰墨子云周宣王殺杜伯不以罪後宣王田於圃田見杜伯執弓矢射宣王伏弓衣而死故周人尊其鬼

而右之蓋謂此其在秦中最小鬼之神者也師古曰其鬼雖小而有神靈也各

以歲時奉祠唯雍四時上帝為尊其光景動人民

唯陳寶故雍四時春以為歲祠禱因泮凍秋涸凍

冬賽祠五月嘗駒及四中之月祠若月祠師古曰中讀曰仲此

四時之沖月皆祠之陳寶節來一祠春夏用駢秋冬用駢師古曰駢純赤

色也音先營反時駒四匹師古曰每時用駒四匹而春秋異色木寓龍一駒李奇曰寓寄也寄生龍

形於木也師古曰一駒亦四龍也木寓車馬一駒各如其帝色黃犢羔

各四圭幣各有數皆生瘞埋無俎豆之具三年一

郊秦以十月爲歲首故常以十月上宿郊見李奇曰上

宿月上通權火張晏曰權火逢火也狀若井絜皐矣其法類稱故謂之權火欲令光明遠照通於祀所也漢祀五時

於雍五十里一逢火如淳曰權舉也師古曰凡祭祀通舉火者或以天子不親至祠所而望拜或以衆祠各處欲其一時薦饗宜且知早晏故以

火爲之節度也它皆類此拜於咸陽之旁而衣上白其用如經祠云

服虔曰西時田時祠如其故上不親往諸此祠皆大

祝常主以歲時奉祠之至如它名山川諸神及八

神之屬上過則祠去則已郡縣遠方祠者民各自

奉祠不領於天子之祝官祝官有祕祝即有灾祥

輒祝祠移過於下漢興高祖初起殺大蛇有物曰

蛇白帝子而殺者赤帝子

師古曰物謂鬼神也

及高祖禱豐粉

榆社

鄭氏曰粉榆鄉名也社在粉榆晉灼曰粉白榆也社在曲陽東北十五里師古曰以此樹爲社神因立名也粉音符云反

伯

沛爲沛公則祀蚩尤豐鼓旗遂以十月至霸上立

爲漢王因以十月爲年首色上赤二年東擊項籍

而還入關問故秦時上帝祠何帝也對曰四帝有

白青黃赤帝之祠高祖曰吾聞天有五帝而四何

也莫知其說於是高祖曰吾知之矣迺待我而具

五也迺立黑帝祠名曰北時有司進祠上不親往

悉召故秦祀官復置大祝太宰如其故儀禮因令

縣爲公社

李奇曰猶官社

下詔曰吾甚重祠而敬祭今上帝

之祭及山川諸神當祠者各以其時禮祠之如故
後四歲天下已定詔御史令豐治粉榆社常以時
春以羊彘祠之令祝立蚩尤之祠於長安置祠祀
官女巫其梁巫祠天地天社天水房中堂上之屬
晉巫祠五帝東君雲中君巫社巫祠族人炊之屬

服虔曰東君以下皆神名也師古曰東君日也雲中君謂雲神也
巫社巫祠皆古巫之神也族人炊古主必母之神也炊謂釀饗也

秦巫

祠社主巫保族纍之屬

師古曰社主即上所云五社主
保族纍二神名纍音力追反

荆巫

祠堂下巫先司命施糜之屬

師古曰堂下在堂之下巫先
巫之最先者也司命說者云

文昌第四星也施糜其先常施設糜鬻者也

九天巫祀九天

師古曰九天者謂中央鈞天東方蒼天東北旻天北

方玄天西北幽天西方浩天西南朱天南方炎天東南陽天也其說見淮南子一說云東方旻天東南陽天南方赤天西南朱天西方成天西北幽天北方玄天東北變天中央鈞天也皆以歲時祠宮中其河巫祠河於

臨晉而南山巫祠南山秦中秦中者二世皇帝也

張晏曰以其疆死魂魄為厲故祠之成帝時匡衡奏罷之

各有時日其後二歲或言曰

周興而邑立后稷之祠

師古曰以其有播種之功故令天下諸邑皆祠之

至今血

食天下

師古曰祭有牲牢故言血食徧天下也

於是高祖制詔御史其令

天下立靈星祠

張晏曰龍星左角曰天田則農祥也晨見而祭之

常以歲時祠以

牛高祖十年春有司請令縣常以春二月及臘祠

稷以羊彘民里社各自裁以祠

師古曰隨其祠具之豐儉也

制曰可

文帝即位十三年下詔曰祕祝之官移過於下朕

甚弗取其除之始名山大川在諸侯諸侯祝各自

奉祠天子宮不領及齊淮南國廢令大祝盡以歲

時致禮如故明年以歲比登師古曰年殺頓孰也詔有司增雍

五時路車各一乘駕被具師古曰駕車被馬之飾皆具也被音皮義反下亦同西時

畦時寓車各一乘寓馬四匹駕被具河湫漢水玉

加二及諸祀皆廣壇塲圭幣俎豆以羞加之魯人

公孫臣上書曰始秦得水德及漢受之推終始傳

鄭氏曰音亭傳師古曰音張戀反謂轉次之則漢當土德土德之應黃龍見宜

改正朔服色上黃時丞相張蒼好律歷止以爲漢迺

水德之時河決金隄其符也年始冬十月色外黑

內赤

服虔曰十月陰氣在外故外黑陽氣尚伏在地故內赤也或曰十月百草外黑內赤也

與德相應公

孫臣言非是罷之明年黃龍見成紀

師古曰天水之縣也

文帝

召公孫臣拜為博士與諸生申明土德草改歷服

色事

師古曰草謂創造之後例皆同也

其夏下詔曰有異物之神見

于成紀毋害於民歲以有年朕幾郊祀上帝諸神

師古曰幾讀曰翼

禮官議毋諱以朕勞

師古曰無諱以朕為勞自言不以為勞也晉灼曰諱忌難

也有司皆曰古者天子夏親郊祀上帝於郊故曰

郊

師古曰邑外謂之郊

於是夏四月文帝始幸雍郊見五時祠

衣皆上赤趙人新垣平以望氣見上言長安東北

有神氣成五采若人冠冕焉或曰東北神明之舍

西方神明之墓也

張晏曰神明日也日出東北舍謂陽谷日段於西故曰墓墓濛谷也師古曰此說非也蓋

總言凡神明以東北為居西方為冢墓之所故立廟於渭陽者也

天瑞下宜立祠上帝以合

符應於是作渭陽五帝廟同宇

師古曰宇謂屋之覆也言同一屋之下而別為五廟

各立門室也廟記云五帝廟在長安東北也

帝一殿面五門各如其帝色祠所

用及儀亦如雍五時明年夏四月文帝親拜霸渭

之會

如淳曰二水之合也

以郊見渭陽五帝五帝廟臨渭其北

穿蒲池溝水

師古曰蒲池為池而種蒲蒲字或作滿言其水滿也

權火舉而祠若光

輝然屬天焉

師古曰屬聯也音之欲反

於是貴平至上大夫賜累

千金而使博士諸生刺六經中作王制

師古曰刺採取之也音千賜反

謀議巡狩封禪事文帝出長門

如淳曰亭名也

若見五人於

道北遂因其直立五帝壇

鄭氏曰因其所立處以立祠也師古曰直猶當也當其處

祠

以五牢其明年平使人持玉杯上書闕下獻之平

言上曰闕下有寶玉氣來者已視之果有獻玉杯

者刻曰人主延壽平又言臣候日冉中居頃之日

卻復中於是始更以十七年爲元年令天下大酺

平言曰周鼎亡在泗水中今河決通於泗臣望東

北汾陰直有金寶氣

師古曰汾陰直謂正當汾陰也

意周鼎其出乎

兆見不迎則不至於是上使使治廟汾陰南臨河

欲祠出周鼎人有上書告平所言皆詐也下吏治

誅夷平

師古曰夷者平也謂盡平除其家室宗族

是後文帝怠於改正服鬼神

之事

師古曰正朔也服服色也正音之成反

而渭陽長門五帝使祠官領以

時致禮不往焉明年匈奴數入邊

師古曰數音所角反

興兵守

御後歲少不登數歲而孝景即位十六年祠官各

以歲時祠如故無有所興武帝初即位尤敬鬼神

之祀漢興已六十餘歲矣天下艾安

師古曰艾讀曰又又治也漢書皆以

艾為乂其縉紳之屬皆望天子封禪改正度也

師古曰正亦正

朔度度量也服色度量互言之耳

而上鄉儒術

師古曰鄉讀曰嚮也

招賢良趙綰王

臧等以文學為公卿欲議古立明堂城南以朝諸

侯草巡狩封禪改歷服色事未就

師古曰就成也

竇太后

不好儒術使人微伺趙綰等姦利事按綰臧綰臧

自殺諸所興爲皆廢六年竇太后崩其明年徵文

學之士明年上初至雍郊見五時後常三歲一郊

見是時上求神君舍之上林中礪氏館

如淳曰礪音蹄鄭氏曰音

斯師古曰鄭音是神君者長陵女子呂乳死見神於先

其字從石從虎

後宛若

子孟康曰產乳而死也兄弟妻相謂先後宛若字也師古曰先音蘇見反後音胡構反古謂之媯媯今關中俗呼爲先後吳

楚俗呼之爲媯宛若祠之其室民多往祠平原君亦往祠

媯音軸里

其後子孫以尊顯

應劭曰平原君武帝外祖母也

及上即位則厚禮置

祠之內中聞其言不見其人云是時李少君亦以

祠竈穀道卻老方見上

如淳曰祠竈可以致福李奇曰穀道辟穀不食之道也

上尊

之少君者故深澤侯人主方如淳曰侯家人主方藥也匿其年及所

生長師古曰生長謂其郡縣所屬及居止處常自謂七十能使物卻老如淳

曰物謂鬼物也其游以方徧諸侯無妻子人聞其能使物及

不死更餽遺之師古曰更音工簡反常餘金錢衣食人皆以為

不治產業而饒給師古曰給足也又不知其何所人愈信爭

事之少君資好方善為巧發竒中如淳曰時時發言有所中師古曰中音竹

仲反常從武安侯宴坐中有年九十餘老人少君迺

言與其大父游躅處老人為兒從其大父識其處

師古曰識記也音式志反一坐盡驚少君見上上有故銅器問少君

少君曰此器齊桓公十年陳於柏寢臣瓚曰晏子書曰柏寢臺名也師古曰

以柏木為寢室於臺之上

已而按其刻果齊桓公器

師古曰刻謂器上所銘記

一宮

盡駭以為少君神數百歲人也少君言上祠竈皆

可致物

師古曰物亦謂鬼物

致物而丹沙可化為黃金黃金成

以為飲食器則益壽益壽而海中蓬萊僊者迺可

見之以封禪則不死黃帝是也臣嘗游海上見安

期生

服虔曰古之真人也師古曰列仙傳云安期生琅邪人賣藥東海邊時人皆言千歲也

安期生食臣

棗大如瓜

師古曰食讀曰食

安期生僊者通蓬萊中合則見

人不合則隱

師古曰合謂道相合

於是天子始親祠竈遣方士

入海求蓬萊安期生之屬而事化丹沙諸藥齊為

黃金矣

師古曰齊藥之分齊也音才計反

久之少君病死天子以為化

去不死也使黃鍾史寬舒受其方

孟康曰二人皆方士也師古曰鍾音直垂

反而海上燕齊怪迂之方士多更來言神事矣

師古

曰更音工衡反毫人謬忌奏祠泰一方

如淳曰毫亦薄也下所謂薄也晉灼曰濟陰薄縣人也

曰天神貴者泰一泰一佐曰五帝

師古曰謂青帝靈威仰赤帝赤熛怒白帝

白招矩黑帝叶光紀黃帝名古樞細也一說蒼帝名靈符赤帝名丈祖白帝名顯紀黑帝名玄矩黃帝名神斗

古者天子

以春秋祭泰一東南郊日一太牢七日

師古曰每日以一太牢凡七日

祭也為壇開八通之鬼道於是天子令太祝立其祠

長安城東南南郊常奉祠如忌方其後人上書言古

者天子三年一用太牢祠三天一地一泰一天

子許之令太祝頌祠之於忌泰一壇上如其方後

人復有言古天子常以春解祠祠黃帝用一梟破

鏡

張晏曰黃帝五帝之首也歲之始也梟惡逆之鳥方土虛誕云以歲始祓除凶灾令神仙之帝食惡逆之物使天下爲逆者破滅訖竟無

有遺音也孟康曰梟鳥名食母破鏡獸名食父黃帝欲絕其類使百吏祠皆用之破鏡如龜而虎眼如淳曰漢使東郡送梟五月五日作梟羹以賜百官以其惡鳥故食之也師古曰解祠者謂祠祭以解罪求福

冥羊用羊祠馬行用一青

牡馬泰一臯山山君用牛武夷君用乾魚陰陽使

者以一牛

孟康曰陰陽之神也

令祠官領之如其方而祠泰一

於忌泰一壇旁後二年郊雍獲一角獸若麋然古師

曰鹿鹿屬也形似麋牛尾一角音蒲交反

有司曰陛下肅祗郊祀上帝報享

錫一角獸蓋麟云於是以薦五時時加一牛以燎

賜諸侯白金以風符應合于天也

晉灼曰符瑞也臣瓚曰風示諸侯以此符

瑞之應也

於是濟北王以爲天子且封禪上書獻泰山及

其旁邑天子以它縣償之常山王有罪譽

師古曰譽與遷同也

天子封其弟真定以續先王祀而以常山爲郡然後五嶽皆在天子之郡明年齊人少翁以方見上上有所幸李夫人夫人卒少翁以方蓋夜致夫人及竈鬼之貌云天子自帷中望見焉迺拜少翁爲文成將軍賞賜甚多以客禮禮之文成言上即欲與神通宮室被服非象神神物不至迺作畫雲氣車及各呂勝日

服虔曰甲乙五行相克之曰如淳曰如火勝金用丙丁日不用庚辛也

駕車辟

惡鬼又作甘泉宮中爲臺室至畫天地泰一諸鬼神

而置祭具以致天神居歲餘其方益衰神不至迺

帛書以飯牛

師古曰謂雜草以飯牛也音扶晚反

陽不知言此牛腹中有

竒殺視得書書言甚怪天子識其手

師古曰手謂所書手跡

問

之果為書於是誅文成將軍隱之其後又作柏梁

銅柱承露僊人掌之屬矣

蘇林曰仙人以手掌擎盤承甘露師古曰三輔故事云建章宮

承露盤高二十丈大七圍以銅為之上有仙人掌承露和王屑飲之蓋張衡西京賦所云立修華之仙掌承雲表之清露屑瓊蕊以朝餐必性命之可

文成死明年天子病鼎湖甚

晉灼曰黃圖宮名在京北地理志湖本在

京北後分屬弘農也

巫醫無所不致游水發根言上郡有巫病

而鬼下之

服虔曰游水縣名發根人姓名晉灼曰地理志游水水名在臨淮淮浦也師古曰二說皆非也游水姓也發根

名也蓋因水為姓也本嘗遇病而鬼下之故為巫也

上召置祠之甘泉及病使人問

神君神君言曰天子無憂病病少瘡強與我會甘

泉於是上病瘡遂起幸甘泉病良已孟康曰良已善已謂瘡也大

赦置壽宮神君孟康曰更立此宮也臣瓚曰壽宮奉神之宮也楚辭曰寒將懲兮壽宮也神君最

貴者曰太一其佐曰太禁司命之屬皆從之非可

得見聞其言言與人音等時去時來來則風肅然

居室帷中時晝言然常以夜天子被然後入孟康曰崇絜自

除被然後入也因巫為主人關飲食所欲言行下李奇曰神所欲

言上輒為下之也晉灼曰神君所言行下於巫師古曰巫說也是也又置壽宮北宮張羽旗設

共具師古曰共讀曰供音居用反以禮神君神君所言上使受書其

名曰畫法孟康曰策畫之法也其所言世俗之所知也無絕殊

者而天子心獨喜其事秘世莫知也

師古曰喜讀曰喜喜好也音許吏反

後三年言元宜以天瑞不宜以一二數

蘇林曰得諸瑞以名年

一元曰建

蘇林曰建元元年是

二元以長星曰光

蘇林曰以有長星之光故曰元光元

年今郊得一角獸曰狩云

如淳曰改元狩元年

其明年天子郊

雍曰今上帝朕親郊而后土無祀則禮不答也

師古

曰答對也郊天而不祀地失對偶之義一曰闕地祇之祀故不為神所答應也

有司與太史令談祠官

寬舒議

師古曰談即司馬談也

天地牲角繭栗

師古曰牛角之形或如繭或如栗言其小

今陛下親祠后土后土宜於澤中園丘為五壇壇

一黃犢牢具已祠盡瘞而從祠衣上黃

師古曰侍祠之人皆著黃衣也

於是天子東幸汾陰汾陰男子公孫傍洋等見汾

夢有光如絳

師古曰傍音普
郎反洋音羊也

上遂立后土祠於汾陰

雎上

師古曰雎音
誰解在武祀

如寬舒等議上親望拜如上帝禮

禮畢天子遂至熒陽還過雒陽下詔封周後令奉

其祀詔在武紀上始巡幸郡縣寢尋於泰山矣

曰尋用也曹灼曰尋遂往之意也師
古曰二說皆非也寢漸也尋就也

其春樂成侯登上書言

樂大樂大膠東宮人

服虔曰
王家人

故嘗與文成將軍同

師已而爲膠東王尚方

師古曰
主方藥

而樂成侯姊爲康王

后

孟康曰膠
東王后也

無子王死它姬子立爲王而康后有淫

行與王不相中相危以法

師古曰不相可也相危以法謂以
罪法相欲傾危也中音竹仲反

康后聞文成死而欲自媚於上乃遣樂大入因樂

成侯求見言方

師古曰言神仙之方

天子既誅文成後悔其方

不盡及見欒大六說

師古曰說讀曰悅也

大爲人長美言

師古曰善爲甘

美之言也

多方略而敢爲大言處之不疑大言曰臣常往

來海中見安期羨門之屬顧以臣爲賤不信臣

師古

曰顧念也

又以爲康王諸侯耳不足與方臣數以言康王

康王又不用臣臣之師曰黃金可成而河決可塞

不死之藥可得僊人可致也然臣恐効文成則方

士皆掩口惡敢言方哉

師古曰惡音烏謂於何也

上曰文成食馬

肝死耳子誠能修其方我何愛乎大曰臣師非有

求人人者求之陛下必欲致之則貴其使者今爲

親屬以客禮待之勿卑使各佩其印迺可使通言

於神人神人尚肯邪不邪尊其使然後可致也於

是上使驗小方鬪其基自相觸擊是時上方憂河

決而黃金不就師古曰鑄黃金不成迺拜大為五利將軍居月

餘得四印得天士將軍地士將軍大通將軍印制

詔御史昔禹跡九河決四瀆間者河溢臯陸隄繇

不息師古曰臯水旁地廣平曰陸言水汎溢自臯及陸而築作隄防溢役其多不暇休息朕臨天下二十

有八年天若遺朕士而大通焉軋稱飛龍鴻漸于

般孟康曰般水涯堆也漸進也武帝云得樂大如鴻進於般一與千里得道若飛龍在天師古曰飛龍在天軋卦九五爻辭也鴻漸于般漸

卦六二爻辭也朕意庶幾與焉師古曰與讀曰豫其以二千戶封

般山石之安者

地士將軍大爲樂通侯賜列侯甲第童千人乘輿

斥車馬帷帳器物以充其家

師古曰斥不用者也

又以衛長公

主妻之

孟康曰衛太子妹如淳曰衛太子姊也師古曰外戚傳云子夫生三女元朔三年生男據是則太子之姊也孟詵非也

齋金十萬斤更名其邑曰當利公王天子親如五

利之弟使者存問共給相屬於道

師古曰共讀曰供屬及也音之欲反

大主將相以下皆置酒其家

韋昭曰大王武帝姑寶太后之女也

獻遺之

天子又刻玉印曰天道將軍使使衣羽衣夜立白

茅上五利將軍亦衣羽衣立白茅上受印以視不

臣也

師古曰羽衣以鳥羽爲衣取其神仙飛翔之意也視讀曰示也

而佩天道者且爲天

子道天神也

師古曰爲音于偽反道天神道讀曰導

於是五利常夜祠其

家欲以下神後裝治行東入海求其師云大見數

月佩六印貴震天下而海上燕齊之間莫不搯擊

師古曰搯捉持也擊古手腕之字也搯音尼而自言有禁方能神僊矣其夏六

月汾陰巫錦應劭曰錦巫名爲民祠魏睢后土營旁應劭曰魏故魏國也

師古曰汾睢本魏地之境故云魏睢也營謂祠之兆域也見地如鉤狀掬視得鼎師古曰掬

謂手把土也音蒲溝反把音蒲巴反其字從木鼎大異於衆鼎文鏤無款識韋昭曰款

刻也師古曰謙記也音式志反其下美陽鼎亦同也怪之言吏吏告河東太守勝勝

以聞天子使驗問巫得鼎無姦詐迺以禮祠迎鼎

至甘泉從上行薦之如淳曰以鼎從行上甘泉將薦之於天師古曰上音時掌反至中

山晏溫如淳曰三輔謂日出清濟爲晏晏而溫乃有黃雲故爲異也師古曰中讀曰仲即今雲陽之中山也下云合茲中山亦同

也 有黃雲焉有鹿過上自射之因之以祭云至長

安公卿大夫皆議尊寶鼎天子曰間者河溢歲數

不登故巡祭后土祈為百姓育穀今年豐稊未報

鼎曷為出哉師古曰稊美也言稼盡美也未報者獲年豐而未報

此詔文云穀曠未報曠者少也有司皆言聞昔泰帝興神鼎師古曰泰

昊伏羲氏也一者一統天地萬物所繫象也黃帝作寶鼎

三象天地人禹收九牧之金師古曰九牧九州之牧也鑄九鼎象九

州皆嘗醵享上帝鬼神服虔曰以享祀上帝也師古曰醵者也醵享者與而祀也韓詩采蘋曰于以

醵之雅錡及金其空足曰鬲蘇林曰鬲音廢是中以象三德

如淳曰鼎有三及故也三德三正之德師古曰如說非也三德一曰正直二曰剛克三曰柔克事見周書畢軌饗承天祐

師古曰祐福也音怙夏德衰鼎遷于彫彫德衰鼎遷于周周

德衰鼎遷于秦秦德衰宋之社亡鼎西淪伏而不

見周頌曰白堂徂基白羊徂牛鼎鼎及壽鼎不吳

不敖胡考之休師古曰周頌絲衣之詩基門塾之基鼎絕大者謂之鼎園今弁上謂之鼎吳謹詳也敖慢也考壽

也休美也言執祭事者或外堂室或之門塾視羊牛之牲及舉大小之鼎告其致絜神降之福故獲壽考之美曰何壽之美何壽之美者歎之

言也鼎音乃代反今鼎至甘泉以光潤龍變承休無疆

合茲中山有黃白雲降師古曰言鼎至甘泉之後光潤變見若龍之神能幽明能小大乘此休福

無窮竟也有黃白雲降與初至仲山黃雲之瑞相合也蓋若獸之為符服虔曰雲若獸在車蓋也晉灼曰蓋

辭也符謂鹿也師古曰二說非也蓋發語路弓乘矢集獲壇下

辭也言甘泉之雲又若獸形以為符瑞也李奇曰宜言盧弓韋昭曰路大也四矢曰乘師古曰韋說是也又於壇下獲弓矢之應郊祠大亨唯受命而

帝者心知其意而合德焉

服虔曰高祖受命知之宜見鼎於其廟也師古曰合德謂與天

合德鼎宜視宗禰廟臧於帝庭以合明應

師古曰視讀曰示宗謂先

帝有德可尊者也禰父廟也帝庭甘泉天神之庭

制曰可入海求蓬萊者言蓬萊

不遠而不能至者殆不見其氣上迺遣望氣佐候

其氣云其秋上雍且郊

師古曰雍地形高故云上也音時掌反

或曰五帝

泰一之佐也宜立泰一而上親郊之上疑未定齊

人公孫卿曰今年得寶鼎其冬辛巳朔旦冬至與

黃帝時等

師古曰等同也

卿有札書

師古曰札木簡之薄小者也

曰黃帝得

寶鼎冕侯問於鬼史區

師古曰鬼史區黃帝臣也藝文志鬼容區而此志作史區史容聲相近蓋

一也今流俗書本史字作申非也

鬼史區對曰黃帝得寶鼎神策是歲

己酉朔且冬至得天之紀終而復始於是黃帝迎

日推策晉灼曰迎數之也臣瓚曰日月朔望未來而推之故曰迎日後率二十歲復朔且

冬至凡二十推三百八十年黃帝僊登于天卿因

所忠欲奏之師古曰所忠人姓名也解在食貨志所忠視其書不經師古曰不合經

也典疑其妄言謝曰寶鼎事已決矣尚何以為師古曰謂不須

更言卿因嬖人奏之上大說師古曰說讀曰悅迺召問卿對曰

受此書申公申公已死上曰申公何人也卿曰齊

人與安期生通受黃帝言無書獨有此鼎書曰漢

興復當黃帝之時曰漢之聖者在高祖之孫且曾

孫也寶鼎出而與神通封禪封禪七十二王唯黃

帝得上泰山封申公曰漢帝亦當上封上封則能

僊登天矣黃帝萬諸侯而神靈之封君七千

應劭曰黃帝時

諸侯會封禪者七千人也李奇曰說仙道得封者七千國也張晏曰神靈之封謂山川之守也師古曰張說是也山川之守謂尊山川之神令主祭祀也即國語所云汪芒氏之君守封嶠之山也天下名山八而三在蠻夷五在

中國中國華山首山大室山泰山東萊山此五山

黃帝之所常游與神會黃帝且戰且學僊患百姓非其道迺斷斬非鬼神者百餘歲然後得與神通

黃帝郊雍上帝宿三月鬼吏區號大鴻死葬雍故

鴻冢是也

蘇林曰今雍有鴻冢

其後黃帝接萬靈明庭明庭者

甘泉也所謂寒門者谷口也

服虔曰黃帝升仙之處也師古曰谷口仲山之谷口也漢

時爲縣今呼之治谷是也以仲山之北寒涼故謂此谷爲寒門也

黃帝采首山銅鑄鼎於荆

山下

晉灼曰地理志首山屬河東蒲反荆山在馮翊懷德縣也

鼎既成有龍垂胡顙下

迎黃帝

師古曰胡謂項下垂肉也顙其毛也音人占反

黃帝上騎羣臣後宮從

上龍七十餘人龍迺上去餘小臣不得上迺悉持

龍顙龍顙拔憤憤黃帝之弓百姓叩望

師古曰叩讀曰仰也黃

帝既上天乃抱其弓與龍顙號故後世因名其處

曰鼎湖其弓曰烏號於是天子曰嗟乎誠得如黃

帝吾視去妻子如脫徒耳

師古曰徒小復脫徒者言其便易無所顧也徒音山爾反拜

卿爲郎使東候神於太室上遂郊雍至隴西登空

桐幸甘泉令祠官寬舒等具泰一祠壇祠壇放毫

忌泰一壇三咳

師古曰咳重也三咳三重壇也音該

五帝壇環居其下各

如其方黃帝西南除八通鬼道

服虔曰坤位在未黃帝從土位

泰一

所用如雍一時物而加醴棗脯之屬殺一犛牛

李

曰音狸師古曰西南夷長髦之牛也一音茅

以爲俎豆牢具而五帝獨有俎

豆醴進

師古曰具俎豆酒醴而進之一曰進謂雜物之具所以加禮也

其下四方地爲殿食

羣神從者及北斗云

師古曰殿字與殿同謂聯續而祭也音竹芮反食讀曰臥

已祠胙

餘皆燎之

師古曰胙謂祭餘酒肉也

其牛色白白鹿居其中彘在

鹿中鹿中水而酒之

服虔曰水立酒酒眞酒也晉灼曰此言合牲物而燎之也師古曰言以白鹿內

牛中以彘內鹿中又以水及酒合內鹿中

祭日以牛祭月以羊彘特

師古曰若牛若羊若

彘上一

泰一祝宰則衣紫及繡五帝各如其色日赤

月白十一月辛巳朔且冬至物爽

師古曰物爽謂曰尚冥蓋未明之時也

音天子始郊拜泰一朝朝日夕夕月

師古曰以朝旦拜日爲朝下朝音丈

昭反則揖而見泰一如雍郊禮其燹變良曰天始以

寶鼎鼎神策授皇帝朔而又朔終而復始皇帝敬拜

見焉

師古曰燹變謂祝辭

而衣上黃其祠列火滿壇壇旁尊炊

具有司云祠上有光公卿言皇帝始郊見泰一雲

陽有司奉瑄玉

王孟康曰璧大六十謂之瑄

嘉牲薦薦饗

師古曰漢舊儀云祭天養牛五

歲至三千斤也

是夜有美光及晝黃氣上屬天

師古曰屬音之欲反

大史

令談祠官寬舒等曰神靈之休祐福兆祥宜因此

地光域立泰畤壇以明應

師古曰明著美光及黃氣之祥應

令大祝領

秋及臘間祠三歲天子壹郊見其秋爲伐南越告

禱泰一以牡荆畫幡日月北斗登龍以象大一三

星爲泰一

一鑿

李奇曰牡荆作幡柄也如淳曰牡荆荆之無子者皆繫上齋之道晉灼曰牡荆間不相當也月量

刻之爲券以畏病者天文志天極星其一明者大一也旁三星三公也畫一星在後三星在前爲泰一鑿也師古曰李晉二說是也以牡荆爲

幡竿而畫幡爲日月龍及星

命曰靈旗爲兵禱則大史奉以指所伐

國而五利將軍使不敢入海之泰山祠上使人隨

驗實無所見五利妄言見其師其方盡多不讎師古

曰讎應當也

不讎無驗也上迺誅五利其冬公孫卿候神河南言見

僊人迹緹氏城上有物如雉往來城上天子親幸

緹氏視迹問卿得毋効文成五利乎卿曰僊者非

有求人主人主者求之其道非少寬暇神不來言

神事如迂誕

師古曰迂回遠也誕大言也

積以歲迺可致於是郡國

各除道繕治宮館名山神祠所以望幸矣其春既

減南越嬖臣李延年以好音見上善之下公卿議

曰民間祠有鼓舞樂今郊祀而無樂豈稱乎公卿

曰古者祠天地皆有樂而神祇可得而禮或曰秦

帝使素女鼓五十絃瑟悲帝禁不止

師古曰秦帝亦謂素昊也不止謂不

能自止也故破其瑟爲二十五絃於是塞南越禱祠秦一

后土始用樂舞益召歌兒

師古曰益多也

作二十五絃及坎

侯瑟自此起

蘇林曰作空侯與瑟

其來年冬上議曰古者先振

兵釋旅然後封禪迺遂北巡朔方勒兵十餘萬騎

還祭黃帝冢橋山釋兵涼如

李奇曰地名也

上曰吾聞黃帝

不死有冢何也或對曰黃帝以僊上天羣臣葬其

衣冠既至甘泉爲且用事泰山先類祠泰一

師古曰且猶將

也類祠謂以事類而祭之自得寶鼎上與公卿諸生議封禪封禪

用希曠絕莫知其儀體而羣儒采封禪尚書周官

王制之望祀射牛事

師古曰天子有事宗廟必自射牲示親殺也事見國語也

齊人丁

公年九十餘曰封禪者古不死之名也秦始皇不

得上封陛下必欲上稍上

師古曰稍漸也

即無風雨遂上封

矣上於是迺令諸儒習射牛草封禪儀數年至且

行天子既聞公孫卿及方士之言黃帝以上封禪

皆致怪物與神通欲放黃帝師古曰放依也音甫往反以接神人

蓬萊高世比德於九皇張晏曰三皇之前有人皇九首尊昭曰上古有人皇者九人師古曰韋說

是也而頗采儒術以文之羣儒既已不能辯明封禪

事又拘於詩書古文而不敢聘上為封祠器視羣

儒師古曰視讀曰示羣儒或曰不與古同徐偃又曰大常諸

生行禮不如魯善師古曰徐偃博士姓名周霸屬圖封事服虔曰屬

會也會諸儒圖封事也師古曰周霸亦人姓名也屬音之欲反於是上黜偃霸而盡罷諸儒

弗用三月迺東幸緱氏禮登中嶽太室從官在山

上聞若有言萬歲云問上上不言問下下不言迺

令祠官加增太室祠禁毋伐其山木以山下戶凡

二百封宬高爲之奉邑

師古曰宬古崇字目以崇奉嵩高
之山故謂之宬高奉邑奉音扶用

反獨給祠復無有所與

師古曰復音方
目反與讀曰豫

上因東上泰山

如淳曰言易上也泰山從南面
直上步道三十里車道百里

泰山草木未生迺令人上石

立之泰山巔

師古曰從山下
轉石而上也

上遂東巡海上行禮祠八

神齊人之上䟽言神怪竒方者以萬數迺益發船

令言海中神山者數千人求蓬萊神人公孫卿持

節常先行候名山至東萊言夜見大人長數丈就

之則不見見其迹甚大類禽獸云羣臣有言見一

老父牽狗言吾欲見鉅公

鄭氏曰天子也張晏曰天子爲天
下父故曰鉅公也師古曰鉅大也

已忽不見上既見大迹未信及羣臣又言老父則

大以爲僊人也宿留海上師古曰宿留謂有所須待也宿音先就反留音力就反它皆類

此與方士傳車師古曰傳音張懸反及間使求神僊人以千數

師古曰間微也隨間隙而行也四月還至奉高上念諸儒及方士言封

禪人殊不經難施行師古曰人人殊異又不合經故難以施行天子至梁父

禮祠地主至乙卯令侍中儒者皮弁縉紳射牛行

事封泰山下東方如郊祠泰一之禮封廣丈二尺

高九尺其下則有玉牒書書祕禮畢天子獨與侍

中奉車子侯上泰山服虔曰子侯霍去病子也亦有封其事皆禁

明日下陰道丙辰禪泰山下吐東北肅然山師古曰吐者山

之基足
音止

如祭后土禮天子皆親拜見衣上黃而盡用

樂焉江淮間一茅三脊爲神藉五色土益雜封縱

遠方音獸飛禽及白雉諸物頗以加祠兕牛象犀

之屬不用皆至泰山然後去封禪祠其夜若有光

晝有白雲出封中

師古曰雲出於所封之中

天子從禪還坐明堂

羣臣更上壽

師古曰更互也音工衡反

下詔改元封元年語在武

紀又曰古者天子五載一巡狩用事泰山諸侯有

朝宿地其令諸侯各治邸泰山下天子旣已封泰

山無風雨而方士更言蓬萊諸神

師古曰更音工衡反

若將可

得於是上欣然庶幾遇之復東至海上望焉奉車

卷之五十一

子自謂寒

子自謂寒

子自謂寒

子自謂寒

子自謂寒

子自謂寒

子自謂寒



子自謂寒

子自謂寒

子自謂寒

子自謂寒

子自謂寒



郊祀志卷第五下

班固

漢書二十五

鳳

秘書監上護軍琅邪縣開國子顏

師古

注

是時既滅兩粵粵人勇之乃言粵人俗鬼

師古曰勇之越人名

也俗鬼言其土俗尚鬼神之事

而其祠皆見鬼數有效昔東甌王敬鬼

壽百六十歲後世怠嫚故衰耗

師古曰耗減也音火到反

迺命粵

巫立粵祝祠安臺無壇亦祠天神帝百鬼

師古曰天帝之神及

百而以雞卜

李奇曰持雞骨卜如鼠卜

上信之粵祠雞卜自此始

用師古曰言國家始用

公孫卿曰僊人可見上往常遽以故不

見

師古曰遽速也音其庶反

今陛下可爲館如緱氏城

師古曰依其制度也

置

脯棗神人宜可致且僊人好樓居於是令長安則

作飛廉桂館

師古曰飛廉館及桂館二名也

甘泉則作益壽延壽館

師古曰益壽延壽亦二節

使卿持節設具而候神人迺作通天臺

師古曰漢舊儀云臺高三十丈望見長安城

置祠具其下將招來神僊之屬

於是甘泉更置前殿始廣諸宮室夏有芝生甘泉

殿房內中天子爲塞河興通天若有光云

師古曰爲塞河及造

通天臺而有神光之應欲赦天下也

迺下詔甘泉房中生芝九莖赦天下

毋令復作其明年伐朝鮮夏旱公孫卿曰黃帝時

封則天早乾封三年

師古曰三歲不雨暴所封之土令乾也

上迺下詔天

早意乾封乎

鄭氏曰言遠心新封則致天旱欲乾也我所封乎

其令天下尊祠靈星

焉明年上郊雍五時通回中道遂北出蕭關歷獨

鹿鳴澤

師古曰解並在武紀

自西河歸幸河東祠后土明年

冬上巡南郡至江味以而東登禮瀟瀟之天柱山號曰

南嶽

師古曰瀟瀟江縣也天柱山在焉武帝以天柱山為南嶽瀟瀟音潛

浮江自潯陽出樅陽

師古曰樅音千庸反

過彭蠡禮其名山山川北至琅邪並海上

師古

曰並音步浪反上音時掌反

四月至奉高修封焉初天子封泰山泰

山東北趾古時有明堂處處險不敞

師古曰言其阻阨不顯敞

上

欲治明堂奉高旁未曉其制度濟南人公玉帶上

黃帝時明堂圖

師古曰公玉姓也帶帶名也公玉春秋齊有公玉丹此蓋其舊族而說者讀公玉為宿非也單姓

王者後漢司徒王況自音宿耳

明堂中有一殿四面無壁以茅蓋通水

水園宮垣

師古曰園鏡也

為復道上有樓從西南入

師古曰復讀曰複也

名曰昆侖天子從之入以拜祀上帝焉於是上令

奉高作明堂汶上如帶圖

師古曰汶水名也出琅邪朱虛作明堂於汶水之上也帶圖公

玉帶所上明堂圖汶音問

及是歲修封則祠泰一五帝於明堂上

坐

師古曰坐音才卧反

合高皇帝祠坐對之

服虔曰漢是時未以高祖配天故言對光武以來乃

配祠后土於下房以二十太牢天子從昆侖道入

始拜明堂如郊禮畢祭堂下而上

師古曰祭古燎字也

又上泰

山自有祕祠其顛而泰山下祠五帝各如其方黃

帝并赤帝所

師古曰與赤帝同處

有司侍祠焉山上舉火下悉

應之還幸甘泉郊泰時春幸汾陰祠后土明年幸

泰山以十一月甲子朔旦冬至日祀上帝於明堂

母修封其贄饗曰天增授皇帝泰元神策周而復

始皇帝敬拜泰一

師古曰自此以上贄祝者辭

東至海上考入海及

方士求神者莫驗然益遣幾遇之

師古曰益多也幾讀曰異言更遣人求之

異必遇也

乙酉柏梁災十二月甲午朔上親禪高里

師古曰高

里山名解在武紀也

祠后土臨勃海將呂望祀蓬萊之屬幾至

殊庭焉

師古曰殊庭蓬萊中仙人庭也幾讀曰異

上還以柏梁災故受計甘

泉公孫卿曰黃帝就青靈臺十二日

燒

師古曰就成也造臺適成

經十二日即遇火燒

黃帝乃治明庭明庭甘泉也方士多言古

帝王有都甘泉者其後天子又朝諸侯甘泉甘泉

作諸侯邸勇之迺曰粵俗有火災復起屋必以大

用勝服之於是作建章宮度爲千門萬戶前殿度

高未央師古曰度並音大各反其東則鳳闕高二十餘丈師古曰三輔故

事云其闕園上有銅鳳凰其西則商中數十里虎圈如淳曰商中商庭也師古曰商金也

於序在秋故謂西方之庭爲商庭言廣數十里於苑亦西方之獸故於此置其園也其北治大池漸臺高

二十餘丈名曰泰液師古曰漸浸也臺在池中爲水所浸故曰漸臺一音子廉反三輔黃圖或爲穢字穢

亦浸池中有蓬萊方丈瀛州壺梁象海中神山龜

魚之屬師古曰三輔故事云池北岸有石魚長三丈高五尺西岸有石盤龍三枚長六尺其南有玉堂壁

門大鳥之屬師古曰立大鳥象也立神明臺井幹樓高五十

丈輦道相屬焉師古曰漢宮閣跡云神明臺高五十丈上有九室恒置九天道士百人然則神明井幹俱高五

十丈也井幹樓積木而高爲樓若井幹之形也井幹者井上木欄也其形或四角或八角張衡西京賦云井幹疊疊而百層即謂此樓也幹或作

韓其義

夏漢改歷以正月為歲首而色上黃官更印

章以五字

師古曰解在武紀也

因為太初元年是歲西伐大宛

蝗大起丁夫人雒陽虞初等

應劭曰丁夫人其先丁復本越人封陽都侯夫人其後以

詛軍為功韋昭曰丁姓夫人名也

以方祠詛匈奴大宛焉明年有司言

雍五時無牢孰具芬芳不備迺令祠官進時犢牢

具色食所勝

孟康曰若火勝金則祠赤帝以白牲也

而以木寓馬代駒云及

諸名山川用駒者悉以木寓馬代獨行過親祠迺

用駒它禮如故明年東巡海上考神僊之屬未有

驗者方士有言黃帝時為五城十二樓

應劭曰曰比命玄圖五城十二樓

仙人之所常居

以候神人於執期

鄭氏曰地名也

名曰迎年

師古曰迎年若云祈年

上

許作之如方名曰明年

師古曰言明其得延年也

上親禮祠上犢黃

焉公玉帶曰黃帝時雖封泰山然風后封鉅岐伯

令黃帝封東泰山

韋昭曰風后封鉅岐伯皆黃帝臣也臣瓚曰東泰山在琅邪朱虛界中有小泰山是禪

凡山

師古曰凡山在朱虛縣見地理志也

合符然後不死天子既令設祠

具至東泰山卑小不稱其聲迺令祠官禮之而不

封焉其後令帶奉祠候神物復還泰山修五年之

禮如前而加禪祠石閭石閭者在泰山下趾南方

師古曰下基之南面

方士言僊人間也故上親禪焉其後五年

復至泰山修封還過祭恒山自封泰山後十三歲

而周徧於五嶽四瀆矣後五年復至泰山修封東

幸琅邪禮日成山登之罘浮大海用事八神延年

師古曰解並在武紀延年即上所謂迎年者

又祠神人於交門宮若有鄉坐拜

者云

師古曰如有神人景象鄉祠坐而拜也事真在武紀鄉讀曰嚮同

後五年上復修封于

泰山東游東萊臨大海是歲雍縣無雲如雷鬻者三

師古曰雷鬻古雷字也空有雷聲也

或如虹氣蒼黃若飛鳥集棫陽宮南

師古曰棫音域

聲聞四百里隕石二黑如鷖有司以爲美祥

以薦宗廟而方士之候神入海求蓬萊者終無驗

公孫卿猶巨大人之迹爲解

師古曰言見大人之跡以自解說也

天子猶

羈縻不絕

師古曰羈縻繫聯之意馬絡頭曰羈也牛鞞曰縻

幾遇其真

師古曰幾讀曰異

諸所興如薄忌泰一及三一冥羊馬行赤星五牀

寬舒之祠宮

李喬曰皆祠名

以歲時致禮凡六祠皆大祝領

之至如八神諸明年八山它名祠行過則祠去則已方士所興祠各自主其人終則已祠宮不主它祠皆如故甘泉泰一汾陰后土三年親郊祠而泰山五年一修封武帝凡五修封昭帝即位富於春秋未嘗親巡祭云宣帝即位由武帝正統興故立三年尊孝武廟為世宗行所巡狩郡國皆立廟告祠世宗廟日有白鶴集後庭以立世宗廟告祠孝昭寢有鴈五色集殿前西河築世宗廟神光興于殿旁有鳥如白鶴前赤後青神光又興于房中如

燭狀廣川國世宗廟殿上有鍾音門戶大開夜有
光殿上盡明上迺下詔赦天下時大將軍霍光輔
政上共已正南面

師古曰共
讀曰恭

非宗廟之祀不出十二

年迺下詔曰蓋聞天子尊事天地修祀山川古今
通禮也間者上帝之祠闕而不親十有餘年朕甚
懼焉朕親飭躬齊戒親奉祀爲百姓蒙嘉氣獲豐
年焉明年正月上始幸甘泉郊見泰畤數有美祥
修武帝故事盛車服敬齊祠之禮頗作詩歌其三
月幸河東祠后土有神爵集改元爲神爵制詔太
常夫江海百川之大者也今闕焉無祠其令祠官

以禮爲歲事

師古曰言每歲常祠之

以四時祠江海雒水祈爲

天下豐年焉自是五嶽四瀆皆有常禮東嶽泰山

於博中嶽泰室於嵩高南嶽瀟山於瀟

師古曰瀟與潛同也

西嶽華山於華陰北嶽常山於上曲陽

師古曰上曲陽常山郡之縣也

河於臨晉

師古曰馮翊之縣也臨河西岸

江於江都

師古曰廣陵之縣也

淮於平氏

師古曰南陽之縣也

濟於臨邑

師古曰東郡之縣也

皆使者持節侍祠

唯泰山與河歲五祠江水四餘皆一禱而三祠云

時南郡獲白虎獻其皮牙爪上爲立祠又呂方士

言爲隨侯劍寶玉寶璧周康寶鼎立四祠於未央

宮中又祠太室山於即墨三戶山於下密

師古曰即墨下密皆

膠東之縣也

祠天封苑火井於鴻門

如淳曰地理志西河鴻門縣有天封苑火井祠火從地中

出

又立歲星辰星太白熒惑南斗祠於長安城旁

又祠參山八神於四城

師古曰東萊之縣也

蓬山石社石鼓於

臨胸

師古曰臨胸齊郡臨也胸音劬地理志蓬山作連山也

之罘山於腫成山於不

夜萊山於黃

應劭曰腫音甄晉灼曰腫不夜黃縣皆屬東萊師古曰腫音丈瑞反

成山祠日

萊山祠月又祠四時於琅邪蚩尤於壽良

師古曰東郡之縣也

京師近縣鄆則有勞谷五牀山日月五帝僊人玉

女祠雲陽有徑路神祠祭休屠王也

師古曰休屠匈奴王號也徑路神李

匈奴之祠也休音許蚩反屠音除

又立五龍山僊人祠及黃帝天神帝

原水凡四祠於膚施

師古曰膚施上郡之縣也

或言益州有金馬

碧雞之神

如傳曰金形似馬碧形似雞

可醮祭而致於是遣諫大夫

王褒使持節而求之大夫劉更生獻淮南枕中洪

寶苑祕之方

師古曰洪大也苑祕者言祕術之苑圃也

今尚方鑄作事不驗

更生坐論京兆尹張敞上疏諫曰願明主時忘車

馬之好斥遠方士之虛語

師古曰遠音于萬反

游心帝王之術

太平庶幾可興也後尚方待詔皆罷是時美陽得

鼎獻之

師古曰美陽扶風之縣也

下有司議多以為宜薦見宗廟

如元鼎故事張敞好古文字按鼎銘勒而上議曰

臣聞周祖始乎后稷后稷封于釐

師古曰釐讀與郿同今武功故城是

公

劉發迹於豳

師古曰今豳州是也

大王建國於邠梁

師古曰梁山在岐山之東

九嶷之西非夏陽之梁山也郊古岐字

文武興於豐

鍋

師古曰豐今長安城西豐水上也鍋在昆明池北

由此言之則郊梁豐鎬之間周舊居也固宜有宗

廟壇場祭祀之臧今鼎出于郊東中有刻書曰王

命尸臣官此柎邑

師古曰尸臣主事之臣也柎邑即幽地是也柎音荀

賜爾旂鸞黼

黻琫戈

師古曰交龍為旂鸞謂有鸞之車也黼黻冕服也琫戈刻鏤之戈也琫與罔同

尸臣拜手稽

首曰敢對揚天子丕顯休命

師古曰拜手首至於手也

臣愚不足

以迹古文

師古曰尋其文迹

竊以傳記言之此鼎殆周之所

以褒賜大臣大臣子孫刻銘其先功臧之于宮廟

也昔寶鼎之出於汾睢也河東太守以聞詔曰朕

巡祭后土祈為百姓蒙豐年

師古曰為音于偽反

今穀嗛未報

師古曰噉少意也言穀稼尚少未獲豐年也噉音苦簞反鼎焉為出哉博問耆老意舊

臧與

服虔曰言鼎宜舊臧於此地師古曰與讀曰與也

誠欲考得事實也有司驗

睢上非舊臧處鼎大八尺一寸高三尺六寸殊異

於衆鼎今此鼎細小又有款識

師古曰款刻也識記也音式志反

不宜

薦見於宗廟制曰京兆尹議是上自幸河東之明

年正月鳳皇集祲

羽師古曰祲馮翊之縣也祲音丁活反又丁外反羽音泥矩反

於所

集處得玉寶起步壽宮迺下詔赦天下後間歲鳳

皇神爵甘露降集京師

師古曰間歲隔一歲也

赦天下其冬鳳

皇集上林迺作鳳皇殿呂荅嘉瑞

師古曰荅應也

明年正月

復幸甘泉郊泰畤改元曰五鳳明年幸雍祠五畤

其明年春幸河東祠后土赦天下後間歲改元爲

甘露正月上幸甘泉郊泰時其夏黃龍見新豐建

章未央長樂宮鍾虞銅人皆生毛長一寸所

師古曰虞神獸

名也縣鍾之木刻飾爲之因名曰虞也

時以爲美祥後間歲正月上郊泰

時因朝單于於甘泉宮後間歲改元黃龍正月復

幸甘泉郊泰時又朝單于於甘泉宮至冬而崩鳳

皇下郡國凡五十餘所元帝即位遵舊儀間歲正

月一幸甘泉郊泰時又東至河東祠后土西至雍

祠五時凡五奉泰時后土之祠亦施恩澤時所過

毋出田租賜百戶牛酒

師古曰言有時如此不常然也

或賜爵赦罪

人元帝好儒貢禹韋玄成匡衡等相繼爲公卿禹
建言漢家宗廟祭祀多不應古禮上是其言後韋
玄成爲丞相議罷郡國廟自泰上皇孝惠諸園寢
廟皆罷後元帝寢疾夢神靈譴罷諸廟祠上遂復
焉後或罷或復至哀平不定語在韋玄成傳成帝
初卽位丞相衡御史大夫譚師古曰衡匡
衡譚張譚奏言帝王

之事莫大乎承天之序承天之序莫重於郊祀故
聖王盡心極慮以建其制祭天於南郊就陽之義
也瘞地於北郊卽陰之象也師古曰祭地曰瘞
故云瘞地也卽就也天之

於天子也因其所都而各鄉食焉往者孝武皇帝居

甘泉宮即於雲陽立秦時祭於宮南今行常幸長

安郊見皇天反北之秦陰祠后土反東之少陽事

與古制殊又至雲陽行谿谷中阨陝且百里汾陰

則渡大川有風波舟楫之危師古曰楫音集其字從木皆非聖主

所宜數乘郡縣治道共張吏民困苦師古曰共讀曰供音居用反張音竹

亮反下皆類此百官煩費勞所保之民行危險之地師古曰保養也難

以奉神靈而祈福祐殆未合於承天子民之意昔

者周文武郊於豐鄠成王郊于雒邑由此觀之天

隨王者所居而饗之可見也甘泉秦時河東后土

之祠宜可徙置長安合於古帝王願與羣臣議定

奏可大司馬車騎將軍許嘉等八人以為所從來

久遠宜如故右將軍王商博士師丹議郎翟方進

等五十人以為禮記曰燔柴於太壇祭天也瘞薶

於大折祭地也韋昭曰大折謂為壇於昭晰地也師古曰折曲也言方澤之形四曲折也兆於南郊

所以定天位也鄭展曰除地為管將有形兆也祭地於大折在北郊就

陰位也郊處各在聖王所都之南北書曰越三日

丁巳用牲于郊牛二師古曰周書洛誥之辭周公加牲告徙新

邑定郊禮於雒明王聖王事天明事地察天地明

察神明章矣天地以王者為主故聖王制祭天地

之禮必於國郊長安聖王之居皇天所觀視也甘

泉河東之祠非神靈所饗官徒就正陽大陰之處

違俗復古循聖制定天位如禮便於是衡譚奏議

曰陛下聖德忽明上通

師古曰忽與聰同

承天之大典覽羣

下使各悉心盡慮議郊祀之處天下幸甚臣聞廣

謀從衆則合於天心故洪範曰三人占則從二人

言

師古曰洪範周書也

言少從多之義也論當往古宜於萬民

則依而從之

師古曰論議也音來頓反

違道寡與則廢而不行今

議者五十八人其五十人言當徙之義皆著於經

傳同於上世便於吏民八人不按經藝考古制而

以爲不宜無法之議難以定吉凶太誓曰正稽古

立功立事可以永年丕天之大理

師古曰今文泰誓周書也稽考也永長也

丕奉也律法也言正考古道而立事則可長年享有天下是則奉天之大法也

詩曰母曰高高在上陟

降厥士曰監在茲

師古曰詩周頌敬之詩也陟升也土事也言無謂天之高而又高遠在上而不加敬天乃

上下升降日日監觀於此視人之所爲者耳

言天之日監王者之處也又曰迺

眷西顧此維予宅

師古曰大雅皇矣之詩也宅居也言天眷然西顧以周國爲居也紂在東謂周爲西也

言天以文王之都爲居也宜於長安定南北郊爲

萬世基天子從之既定衡言甘泉泰畤紫壇八觚

宣通象八方

服虔曰八觚如今社壇也師古曰觚角也

五帝壇周環其下又有

羣神之壇以尚書禮六宗望山川徧羣神之義紫

壇有文章采鏤黼黻之飾及玉女樂

師古曰漢舊儀云祭天用六綵綺席

六重用玉凡玉飾器凡七十女樂即禮樂志所云使童男童女俱歌也

石壇僊人祠瘞鱗馬路駢

駒寓龍馬不能得其象於古臣聞郊柴饗食帝之義

埽地而祭上質也歌大呂舞雲門以竣天神歌大

其族舞咸池以竣地祇

師古曰此周禮也大呂合於黃鍾黃鍾陽聲之首也雲門黃帝樂也大族陽聲

次二者也咸池堯樂也

其牲用犢其席稟稻其器陶匏

師古曰陶瓦器匏瓠也稻

音夏皆因天地之性貴誠上質不敢修其文也以為神

祇功德至大雖修精微而備庶物猶不足以報功

唯至誠為可故上質不飾以章天德紫壇偽飾女

樂鸞馬路駢駒龍馬石壇之屬宜皆勿修衡又言王

者各以其禮制事天地非因異世所立而繼之

師古

曰異時
謂前代

今郊雍廊密上下時

晉灼曰秦文公
宣公所立時也

本秦侯各以

其意所立非禮之所載術也漢興之初儀制未及
定即且因秦故祠復立北時今既稽古建定天地
之大禮郊見上帝青赤白黃黑五方之帝皆畢陳
各有位饌祭祀備具諸侯所妄造王者不當長遵
及北時未定時所立師古曰謂高祖
之初禮儀未定不宜復修天子
皆從焉及陳寶祠由是皆罷明年上始祀南郊赦
奉郊之縣及中都官耐罪囚徒師古曰中都官
京師諸官府也是歲
衡譚復條奏長安厨官縣官給祠郡國候神方士
使者所祠凡六百八十三所其二百八所應禮及

疑無明文可奉祠如故其餘四百七十五所不應

禮或復重

師古曰復音扶目反重音日丈庸反

請皆罷奏可本雍舊祠二

百三所唯山川諸星十五所爲應禮云若諸布諸

嚴諸逐皆罷杜主有五祠置其一又罷高祖所立

梁晉秦荆巫九天南山萊中之屬及孝文渭陽孝

武薄忌泰一三一黃帝冥羊馬行泰一臯山山君

武夷夏后啓母石萬里沙八神延年之屬及孝宣

泰山蓬山之屬成山萊山四時崑尤勞谷五牀僊

人玉女徑路黃帝天神原水之屬皆罷候神方士

使者副佐本草待詔七十餘人皆歸家

師古曰本草待詔謂以方藥奉

草而待
詔者

明年匡衡坐事免官爵衆庶多言不當變動

祭祀者又初罷甘泉泰畤作南郊日大風壞甘泉
竹宮折拔時中樹木十圍以上百餘天子異之以

問劉向對曰家人尚不欲絕種祠

師古曰家人謂庶人
之家也種祠繼祠所

傳祠也

況於國之神寶舊時且甘泉汾陰及雍五畤始

立皆有神祇感應然後營之非苟而已也武宣之

世奉此三神禮敬救備

師古曰
救整也

神光尤著祖宗所立

神祇舊位誠未易動及陳寶祠自秦文公至今七

百餘歲矣漢興世世常來光色赤黃長四五丈直

祠而息音聲砰隱野雞皆雊

師古曰直當也息止也當
祠處而止也砰音普萌反

每

見雍太祝祠以太牢遣候者乘傳馳詣行在所師

曰報神之來也

傳音張戀反以爲福祥高祖時五來文帝二十六來

武帝七十五來宣帝二十五來初元元年以來亦

二十來此陽氣舊祠也及漢宗廟之禮不得擅議

皆祖宗之君與賢臣所共定古今異制經無明文

至尊至重難以疑說正也前始納貢禹之議後人

相因多所動搖易大傳曰誣神者殃及三世恐其

咎不獨止禹等上意恨之師古曰恨悔也後上以無繼嗣故

令皇太后詔有司曰蓋聞王者承事天地交接泰

一尊莫著於祭祀孝武皇帝大聖通明始建上下

之祀

師古曰上
下謂天地

煇宮秦時于甘泉定后土于汾陰而神

祇安之饗國長久子孫蕃滋

師古曰蕃
音扶元反

累世遵業福

流于今今皇帝寬仁孝順奉循聖緒靡有大愆而

久無繼嗣思其各職殆在徙南北郊

師古曰職王也
各過主於此也

違

先帝之制改神祇舊位失天地之心以妨繼嗣之

福春秋六十未見皇孫

師古曰皇
太后自謂

食不甘味寢不安

席朕甚悼焉春秋大復古善順祀

師古曰以復古為
大以順祀為善也

其

復甘泉秦時汾陰后土如故及雍五時陳寶祠在

陳倉者天子復親郊禮如前又復長安雍及郡國

祠著明者且半成帝末年頗好鬼神亦以無繼嗣

故多上書言祭祀方術者皆得待詔祠祭上林苑

中長安城旁費用甚多然無大貴盛者谷永說上

曰臣聞明於天地之性不可或以神怪知萬物之

情不可罔以非類師古曰罔猶蔽諸背仁義之正道不遵五

經之法言而盛稱竒怪鬼神廣崇祭祀之方求報

無福之祠及言世有僊人服食不終之藥遙興輕

舉如淳曰遙遠也興舉也師古曰遙古遙字也興起也謂起而遠起去也登遐倒景如淳曰在日月之上反從

下照故其景倒師古曰遐亦遠也覽觀縣圃浮游蓬萊李竒曰昆侖九成上有縣圃縣圃即閼風

天門耕耘五德朝種暮穫晉灼曰翼氏風角五德東方甲南方丙西方庚北方壬中央戊種五色禾

於此地而耕耘也與山石無極師古曰言獲長壽也黃冶變化晉灼曰黃

東臺

者鑄黃金也道家言治丹

堅冰淖溺

晉灼曰方士詐以藥石若嚼冰丸投之水上冰即消液因假爲

神仙道使然也或曰謂冶金令可餌也

師古曰或說非也淖濡其也音女敎反

化色五倉之術者

李奇曰有五色腹中有五倉神五色存則不死五倉存則不飢

皆姦人或衆挾左道懷詐僞以

欺罔世主

師古曰左道邪僻之道非正義也

聽其言洋洋滿耳若將可

遇

師古曰洋洋美盛之兒也洋音羊又音祥

求之湯湯盪如係風捕景終不可

得

師古曰盪盪空擴之兒也盪音蕩

是以明王距而不聽聖人絕而不

語

師古曰謂孔子不語怪神

昔周史萇弘欲以鬼神之術輔尊靈王

會朝諸侯而周愈微諸侯愈叛楚懷王隆祭祀事

鬼神欲以獲福助卻秦師

師古曰卻退音丘略反

而兵挫地削

身辱國危秦始皇初并天下甘心於神僊之道遣

徐福韓終之屬多齎童男童女入海求神采藥因

逃不還天下怨恨漢興新垣平齊人少翁公孫卿

樂大等皆以僊人黃冶祭祠事鬼使物入海求神

采藥貴幸賞賜累千金大尤尊盛至妻公主爵位

重糸震動海內師古曰糸古累字也元鼎元封之際燕齊之間

方士瞋目扼腕言有神僊祭祀致福之術者以萬

數其平等皆以術窮詐得誅夷伏辜師古曰詐得謂主上得其詐僞

情至初元中有天淵玉女鉅鹿神人轅陽侯師張

宗之姦紛紛復起師古曰轅陽侯江仁也元帝時坐使家丞上印綬隨宗學仙免官轅音遼夫周

秦之末三五之隆師古曰三謂三皇五謂五帝也已嘗專意散財厚

爵祿竦精神舉天下以求之矣曠日經年靡有毫

釐之驗足以揆今經曰享多儀儀不及物惟曰不

享師古曰周書洛誥之好也言祭享之道唯以潔誠若多其容儀而不及名物則不為神所享也論語說曰子

不語怪神師古曰說謂論語之說也唯陛下距絕此類毋令姦人

有以窺朝者上善其言後成都侯王商為大司馬

衛將軍輔政杜鄴說商曰東鄰殺牛不如西鄰之

淪祭師古曰此易既濟九五爻辭也東鄰謂紂也西鄰周文王也淪祭謂淪者新菜以祭言祭祀之道莫盛修德故紂之牛牲不如

文王之蘋藻也淪音答備言奉天之道貴以誠質大得民心也行

穢祀豐猶不蒙祐德修薦薄吉必大來古者壇場

有常處祭禮有常用師古曰祭古繚字也贊見有常禮犧牲玉

帛雖備而財不匱車輿臣役雖動而用不勞是故

每舉其禮助者歡說

師古曰助謂助祭也說讀曰悅

大路所歷黎元

不知

師古曰大路天子祭天所乘之車也黎元不知言無徭費不勞於下也

今甘泉河東天地

郊祀咸失方位違陰陽之宜及雍五時皆曠遠奉

尊之役休而復起繕治共張無解已時皇天著象

殆可略知前上甘泉先畷失道

師古曰畷與疆字同

禮月之夕

奉引復迷

韋昭曰奉引前導引車

祠后土還臨河當渡疾風起

波船不可御又雍大雨壞平陽宮垣迺三月甲子

震電災林光宮門

孟康曰甘泉一名林光師古曰林光秦離宮名也漢又於其旁起甘泉宮非一名也

祥瑞未著咎徵仍臻迹三郡所奏皆有變故

師古曰迹

謂觀其事迹也

不咎不饗食何以甚此

師古曰不咎不當天意不饗不為天所饗也

詩曰

率由舊章

師古曰大雅假樂之詩也率循也由用也循用舊典之文章也

舊章先王法

度文王以之交神于祀子孫千億宜如異時公卿

之議復還長安南北郊後數年成帝崩皇太后詔

有司曰皇帝即位思順天心遵經義定郊禮天下

說憲

師古曰說讀曰悅

懼未有皇孫故復甘泉泰畤陰后

土庶幾獲福皇帝恨難之卒未得其祐其復南北

郊長安如故以順皇帝之意也哀帝即位寢疾博

徵方術士京師諸縣皆有侍祠使者盡復前世所

常興諸神祠官凡七百餘所一歲三萬七千祠云

明年復令太皇太后詔有司曰皇帝孝順奉承聖

業靡有解怠

師古曰解讀曰懈

而父疾未瘳夙夜唯思殆繼

體之君不宜改作其復甘泉泰畤汾陰后土祠如

故上亦不能親至遣有司行事而禮祠焉後三年

哀帝崩平帝元始五年大司馬王莽奏言王者父

事天故爵稱天子孔子曰人之行莫大於孝孝莫

大於嚴父嚴父莫大於配天

師古曰孝經載孔子之言

王者尊其

考欲以配天緣考之意欲尊祖推而上之遂及始

祖是以周公郊祀后稷以配天宗祀文王於明堂

以配上帝禮記天子祭天地及山川歲徧春秋穀

梁傳以十二月下辛上正月上辛郊

師古曰豫上郊之日

高皇

帝受命因雍四時起北時而備五帝未共天地之

祀

師古曰共讀曰恭

孝文十六年用新垣平初起渭陽五帝

廟祭泰一地祇以太祖高皇帝配日冬至祠泰一

夏至祠地祇皆并祠五帝而共一特上親郊拜後

平伏誅迺不復自親而使有司行事孝武皇帝祠

雍曰今上帝朕親郊而后土無祠則禮不答也於

是元鼎四年十一月甲子始立后土祠於汾陰或

曰五帝泰一之佐宜立泰一五年十一月祭未始

立泰一祠於甘泉二歲一郊與雍更祠

師古曰更音工衡反

亦

以高祖配不歲事天皆未應古制建始元年徙甘泉泰畤河東后土於長安南北郊永始元年三月呂未有皇孫復甘泉河東祠綏和二年呂卒不獲祐復長安南北郊建平三年懼孝哀皇帝之疾未瘳復甘泉汾陰祠竟復無福臣謹與太師孔光長樂少府平晏大司農左咸中壘校尉劉歆太中大夫朱陽博士薛順議郎國由等六十七人議皆曰宜如建始時丞相衡等議復長安南北郊如故莽又頗改其祭禮曰周官天墜之祀

師古曰墜古地字也下皆類此樂有

別有合其合樂曰呂六律六鐘五聲八音六舞大

合樂祀天神祭墜祗祀四望祭山川享先妣先祖

師古曰此周禮春官大司樂之職也六律合陽聲者六鍾以六律六鍾之均也五聲宮商角徵羽八音金石絲竹匏土革木六舞雲門咸池大韶大夏大護大武也大合樂者編作之也先妣姜嫄也先祖大王也

凡六樂奏六歌而天墜神

祗之物皆至

師古曰謂一變而致羽物及川澤之祗再變而致羸物及山林之祗三變而致鱗物及丘陵之祗四變而

致毛物及墳衍之祗五變而致介物及地祗六變而致象物及天神

四望蓋謂日月星海也三

光高而不可得親海廣大無限界故其樂同祀天則天文從祭墜則墜理從三光天文也山川地理也天地合祭先祖配天先妣配墜其誼一也天墜合精夫婦判合祭天南郊則呂墜配一體之誼也天墜位皆南鄉同席

師古曰鄉讀曰嚮其下並同

墜在東共牢而

食高帝高后配于壇上西鄉后在北亦同席共牢

牲用繭栗

師古曰謂牛角如繭及栗者牛之小也

玄酒陶匏禮記曰天子

籍田千畝臣事天墜

師古曰晦古改字也

繇是言之宜有黍稷

師古曰繇讀曰由同

天地用牲一燔黍稷墜用牲一高帝高后

用牲一天用牲左及黍稷燔黍南郊墜用牲右及

黍稷瘞于北郊其旦東鄉再拜朝日其夕西鄉再

拜夕月然後孝弟之道備而神祇嘉享萬福降輯

師古曰輯與集同

此天墜合祀臣祖妣配者也其樂曰冬日

至於墜上之圜立奏樂六變則天神皆降夏日至

於澤中之方丘奏樂八變則墜祇皆出

師古曰此亦春官大司樂

之職也天神之樂園鍾為宮黃鍾為角大簇為徵姑洗為羽雷鼓雷非鼓孤竹之管雲和之琴瑟雲門之舞地祇之樂函鍾為宮大簇為角姑洗為徵南呂為羽靈鼓靈鼓鼗孫竹之管空桑之琴瑟咸池之舞辨先奏是樂以致其神禮之以玉然後合樂而祭 天塚有常

位不得常合此其各特祀者也陰陽之別於日冬

夏至其會也巳孟春正月上辛若丁天子親合祀

天塚于南郊巳高帝高后配陰陽有離合易曰分

陰分陽迭用柔剛師古曰易說卦之辭也陽為剛陰為柔陰陽既分則剛柔迭用也迭互也音大結反

以日冬至使有司奉祠南郊高帝配而望羣陽日

夏至使有司奉祭北郊高后配而望羣陰皆巳助

致微氣通道幽弱師古曰道讀曰尊也當此之時后不省方師古

曰謂冬夏至之時后君也方常也不親常務故天子不親而遣有司所巳正承

順天地復聖王之制顯大祖之功也渭陽祠勿復
修羣望未悉定復奏奏可三十餘年間天墜之
祠五徙焉後莽又奏言書曰類於上帝禋于六宗

師古曰虞書舜典也並已解於上

歐陽大小夏侯三家說六宗皆曰上

不及天下不及墜旁不及四方在六者之間助陰
陽變化實一而名六名實不相應禮記祀典功施
於民則祀之天文日月星辰所昭仰也地理山川
海澤所生殖也易有八卦乾坤六子水火不相逮
雷轟風不相諄山澤通氣然後能變化既成萬物也

師古曰乾為父坤為母震為長男巽為長女坎為中男離為中女艮為少男兌為少女故云六子也水火坎離也雷轟風震巽也山澤艮兌也逮

及詩亂也既盡也雷古
雷字也詩音布力反

臣前奏徙甘泉泰畤汾陰后土

皆復于南北郊謹按周官兆五帝于四郊山川各

因其方

師古曰春官小宗伯之職也兆謂爲壇之管域也五帝於四郊謂青帝於東郊赤帝及黃帝于南郊白帝於西郊黑帝於

比郊也各因其方謂順其所在也

今五帝兆居在雍五時不合於古又

日月雷風山澤易卦六子之尊氣所謂六宗也星

辰水火溝瀆皆六宗之屬也今或未特祀或無兆

居謹與大師光大司徒宮羲和歆等八十九人議

皆曰天子父事天母事隍今稱天神曰皇天上帝

泰一兆曰泰畤而稱隍至祇曰后土與中央黃靈同

又兆北郊未有尊稱宜令墜祇稱皇墜后祇兆曰

廣時易曰方呂類聚物呂羣分

師古曰易上繫之辭也方謂所向之地

分

羣神呂類相從爲五部兆天墜之別神中央帝黃
靈后土時及日廟北辰北斗填星中宿中宮于長
安城之未墜兆東方帝太昊青靈蒼芒時及雷公
風伯廟歲星東宿東宮于東郊北南方炎帝赤靈
祝融時及熒惑星南宿南宮于南郊北西方帝少
皞白靈蓐收時及太白星西宿西宮于西郊北北
方帝顓頊黑靈玄冥時及月廟雨師廟辰星北宿
北宮于北郊兆奏可於是長安旁諸廟兆時其盛
矣莽又言帝王建立社稷百王不易社者土也宗

廟王者所居稷者百穀之主所曰奉宗廟共粢盛

師古曰共讀與供同

人所食曰生活也王者莫不尊重親自

為之主禮如宗廟詩曰乃立冢土

師古曰大雅絲之詩也冢大也土土神謂

也

又曰曰御田祖曰祈甘雨

師古曰小雅甫田之詩也田祖稷神也言設樂以御祭於

神為農求甘雨也

禮記曰唯祭宗廟社稷為越紼而行事

李奇曰引

棺車謂之紼當祭天地五祀則越紼而行事不以私喪廢公祀師古曰紼引車索也晉弗

聖漢興禮儀稍定

已有官社未立官稷

臣瓚曰高帝除秦社稷立漢社稷禮所謂大社也時又立官社配以夏禹所謂

王社也見漢祀令而未立官稷至此始立之世祖中興不立官稷相承至今也

遂於官社後立官稷曰

夏禹配食官社后稷配食官稷稷種穀樹

師古曰穀樹楮樹也

其子類穀故於稷種

徐州牧歲貢五色土各一斗莽篡位二年

興神僊事。吕方士蘇樂言起八風臺於宮中。臺成

萬金。

師古曰費直萬金也。

作樂其上。順風作液湯。

如淳曰藝文志有液湯經其義未聞。

也。又種五梁禾於殿中。

師古曰五色禾也。谷永所謂耕耘五德也。

各順色置

其方面。先鬻鸛鷓。

毒冒犀玉二十餘物。漬種。

師古曰鬻南古煮。

字也。鷓古隨字也。謂鬻取汁以漬穀子也。去母音代。目音莫。內反。

計粟斛成一金。言此黃帝穀

僊之術也。吕樂為黃門郎。令王之莽遂定鬼神淫

祀。

師古曰定古崇字也。

至其末年。自天地六宗。吕下至諸小鬼

神。凡千七百。所用三牲鳥獸三千餘種。後不能備。

迺吕雞當。鷺為鳳。大當麋鹿。數下詔。自吕當僊語在

其傳。

梵貝曰漢興之初。庶事草創。唯一叔孫生略

定朝廷之儀若迺正朔服色郊望之事數世猶未

章焉至于孝文始呂夏郊而張倉據水德公孫臣

賈誼更以爲土德卒不能明孝武之世文章爲盛

大初改制而兒寬司馬遷等猶從臣誼之言

李奇曰公孫臣

賈誼服色數度遂順黃德彼以五德之傳從所不勝

服虔曰音亭傳之傳五帝相承代常以金木水火相勝之法若火滅金便以火代金師古曰傳音張戀反秦在水德故

謂漢據土而克之劉向父子呂爲帝出于震故包

義氏始受木德

師古曰包讀曰苞也

其後呂母傳子終則復始

自神農黃帝下歷唐虞三代而漢得火焉故高祖

始起神母夜號著赤帝之符旗章遂赤自得天統

矣

鄧展曰向父子雖有此議時不施行至光武建武二年乃用火德色尚赤耳

昔共工氏呂水德

間于木火

師古曰共讀曰龔間音子覓反

與秦同運皆非其次序故皆

不永由是言之祖宗之制蓋有自然之應順時宜矣究觀方士祠官之變谷永之言不亦正乎不亦正乎

郊祀志卷第五下

水身志卷第

LIBRARY

五年

吳京贈

圖

不亦

不亦

圖

不亦

開五木火

圖

不亦

長

圖

不亦





天文志第六

班固

漢書二十六

秘書監上護軍琅邪縣開國子顏師古注

凡天文在圖籍昭昭可知者經星常宿中外官
凡百一十八名積數七百八十三星皆有州國官
宮物類之象其伏見蚤晚邪正存亡虛實闕

陜

孟康曰伏見早晚謂五星也日月五星下道為邪存謂列宿不虧也二謂恒星不見虛實若天牢星實則因多虛則開出之屬也闕陜若三台

星相去遠近也

及五星所行合散犯守陵歷闕食

孟康曰合同舍也散五星

有變則其精散為祲星也犯七寸已內光芒相及也凌相冒過也食星月相凌不見者則所蝕也韋昭曰自下往觸之曰犯居其宿曰守經之為

歷突掩為凌星相擊為闕也

彗字飛流日月薄食

張晏曰彗所以除舊布新也李氣似彗飛流

謂飛星流星也孟康曰飛絕迹而去也流光逐相連也日月無光曰薄京房易傳曰日月赤黃為薄或曰不交而食曰薄韋昭曰氣往迫之為

薄虧毀曰食也

暈適背穴抱珥重蜺

孟康曰皆曰旁氣也適日之將食先有黑之變也背形如背

字也尤多作鑄其形如王鑄也抱氣向日也珥形點黑也如淳曰暈讀曰暈重或作虹蜺讀曰齧蟬謂之重表云雄爲重雌爲蜺凡氣在日上爲冠爲戴在旁直對爲珥在旁如半鐸向日爲抱向外爲背有氣刺曰爲鑄鑄扶傷也

迅雷風秋怪雲變

氣此皆陰陽之精其本在地而上發于天者也政

失於此則變見於彼猶景之象形鄉之應聲

師古曰鄉

讀曰響是以明君觀之而寤飭身正事思其咎謝則禍

除而福至自然之符也中宮天極星其一明者泰一

之常居也旁三星三公或曰子屬後句四星末大

星正妃餘三星後宮之屬也環之匡衛十二星藩

臣皆曰紫宮前列直斗口三星隨比而銳若見若

不見曰陰德或曰天一紫宮左三星曰天槍右四

星曰天梧

蘇林曰音梧打之梧師古曰梧音白講反

後十七星絕漢抵營室

曰閣道北斗七星所謂璇璣玉衡以齊七政杓攜

龍角

孟康曰杓斗柄也龍角東方宿也攜連也

衡殷南斗魁枕參首

晉灼曰衡斗之中央

殷中

用昏建者杓杓自華以西南

孟康曰傳曰斗第七星法太白主杓斗之尾也尾爲

陰又其用昏昏陰位

夜半建者衡衡殷中州河濟之間

孟康曰假令杓昏建寅衡夜半亦建寅也

平旦建者魁魁海岱以東北也

孟康

曰傳曰斗魁第一星法爲日主齊魁斗之首首陽也又其在明陽與明德在東方故主東北方

斗爲帝車運

于中央臨制四海分陰陽建四時均五行移節度

定諸紀皆繫於斗斗魁戴筐六星曰文昌宮

晉灼曰似筐故

曰戴一曰上將二曰次將三曰貴相四曰司命五曰

司祿六曰司灾在魁中貴人之牢孟康曰傳曰天理四星在斗魁中貴人牢名曰

天理也魁下六星兩兩而比者曰三能蘇林曰能音台三能色齊

君臣和不齊為乖戾柄輔星孟康曰在北斗第六星旁明近輔臣

親彊斥小疏弱蘇林曰斥遠也杓端有兩星一內為矛招摺

孟康曰近北斗者招摺招摺為天矛一外為盾天逢晉灼曰外

在招摺南一名天逢有句圜十五星屬杓曰賤人之牢牢中星

實則囚多虛則開出天一槍楛矛盾動摺角大兵

起李奇曰角世角

東宮蒼龍房心心為明堂大星天王前後星子屬

不欲直直王失計房爲天府曰天駟其陰右驂旁

有兩星曰衿衿北一星曰牽晉灼曰牽古轄字也東北曲十二

星曰旗旗中四星曰天市天市中星衆者實其中

虛則耗房南衆星曰騎宮左角理右角將大角者

天王帝坐廷其兩旁各有三星鼎足句之曰攝提

晉灼曰如鼎足之句曲也攝提者直斗杓所指以建時節故曰攝提

格亢爲宗廟主疾其南北兩大星曰南門氏爲天

根主疫尾爲九子曰君臣斥絕不和箕爲教客后

妃之府曰口舌火犯守角則有戰房心王者惡之

南宮朱鳥權衡孟康曰軒轅爲衡太歲爲戰也衡大微三光之廷筐

衛十二星藩臣西將東相南四星執法中端門左
右掖門掖門內六星諸侯其內五星五帝坐後聚
十五星曰衰鳥郎位旁一大星將位也月五星順
入軌道司其出所守天子所誅也其逆入若不軌
道以所犯名之中坐成形

晉灼曰中坐犯帝坐也成死禍福之形見

皆羣下

不從謀也金火尤甚廷藩西有隨星四名曰少微

士大夫

權軒轅黃龍體

孟康曰形如騰龍

前大星女王

象旁小星御者後宮屬月五星守犯者如衡占東
井爲水事火入之一星居其左右天子且以火爲
敗東井西曲星曰戍北北河南南河兩河天闕間

為關梁輿鬼祠事中白者為質

晉灼曰輿鬼五星其中白者為質

火守南北河兵起穀不登故德成衡觀成潢

晉灼曰日月五

星不軌道也衡大微廷也觀占也潢五潢五帝車舍也

傷成戍

晉灼曰賊傷之占先成形於戍

禍成井

晉灼曰東井主小事火入一星居其旁天子且以火敗故曰禍也

誅成質

晉灼曰熒惑入輿鬼天質占曰大臣有誅柳

為鳥喙主木草七星頸為負宮主急事張喙為厨

主觴客翼為羽翮主遠客軫為車主風其旁有一

小星曰長沙星星不欲明明與四星等若五星入

軫中兵大起軫南眾星曰天庫庫有五車車星角

若益眾及不具亡虺車馬

西宮咸池曰天五

潢五潢五帝車舍火入旱金兵水水中有三柱柱

不具兵起奎曰封禘為溝瀆婁為聚眾胃為天倉

其南眾星曰奮積如淳曰芻藁積為奮也昂曰旄頭胡星也為

白衣會畢曰罕車為邊兵主弋獵其大星旁小星

為附耳附耳搖動有讒亂臣在側昂畢間為天街

其陰陰國陽陽國孟康曰陰西南象坤維河山已北國也陽河山已南國也參為白虎

三星直者是為衡石孟康曰參三星者白虎宿中東西直似稱衡也下有三星銳

曰罰孟康曰在參間上小下大故曰銳為斬艾事其外四星

左右肩股也小三星罌置曰觜觶為虎首主葆旅

事如淳曰關中俗謂桑榆莢生為葆晉灼曰禾野生曰旅今之飢民采旅也宋均曰葆守也旅軍眾也言佐參伐斬艾除凶也其

南有四星曰天厠天厠下一星曰天矢矢黃則吉

青白黑凶其西有句曲九星三處羅列一曰天旗

二曰天苑三曰九旂其東有大星曰狼狼角變色

多盜賊下有四星曰弧直狼比地有大星曰南極

老人晉灼曰比地近地也老人見治安不見兵起常以秋分時

候之南郊北宮玄武虛危危為蓋屋宋均曰危上一星高

旁兩星下似蓋屋也虛為哭泣之事宋均曰蓋屋之下中無人但空虛似乎殯宮故主哭泣也其南有

衆星曰羽林天軍宋均曰虛危營室陰陽終始之處際會之間恒多姦邪故設羽林為軍備軍西

為壘或曰戌旁一大星北落北落若微亡軍星動

角益稀及五星犯北落入軍軍起火金水尤甚火

入軍憂水水患木土軍吉孟康曰木星土星入北落軍則吉也危東六

星兩兩而比曰司寇營室爲清朝曰離宮閣道漢
中四星曰天駟旁一星曰王梁王梁策馬車騎滿
野旁有八星絕漢曰天橫天橫旁江星江星動以
人涉水杵曰四星在危南匏瓜有青黑星守之魚
鹽貴南斗爲廟其北建星建星者旗也牽牛爲犧
牲其北河鼓河鼓大星上將左左星右右將婺女
其北織女織女天女孫也

歲星

晉灼曰大歲在四
仲則歲行三宿大

歲在四孟四季則歲行二宿二十八宿三
四十二而行二十八宿十二歲而周天

曰東方春木於人五常

仁也五事貌也仁虧貌失逆春令傷木氣罰見歲
星歲星所在國不可伐可以伐人超舍而前爲贏

退舍爲縮羸其國有兵不復縮其國有憂其將死

國傾敗所去失地所之得地一曰當居不居國亡

所之國昌已居之又東西去之國凶不可舉事用

兵安靜中度吉出入不當其次必有天祲見其舍

也歲星羸而東南孟康曰五星東行天西轉歲星晨見東方行疾則不見不見則變爲祲星石

氏見彗星甘氏不出三月迺生彗本類星末類彗

長二丈羸東北石氏見覺星甘氏不出三月迺生

天梧本類星末銳長四尺縮西南孟康曰歲星當伏西方行遲早沒變爲祲

也星石氏見攬雲如牛韋昭曰攬音參差之參甘氏不出三月迺

生天槍左右銳長數丈縮西北石氏見槍雲如馬

廿氏不出三月迺生天攬本類星末銳長數丈石
氏槍攬梃彗異狀其殃一也必有破國亂君伏死
其辜餘殃不盡為旱凶飢暴疾至日行一尺出二
十餘日迺入廿氏其國凶不可舉事用兵出而易
所當之國是受其殃又曰祆星不出三年其下有
軍及失地若國君喪

熒惑

晉灼曰常以十月入大
微受制而出行列宿司

無道出入
無常也

白南方夏火禮也視也禮虧視失逆夏令傷

火氣罰見熒惑逆行一舍二舍為不祥居之三月
國有殃五月受兵七月國半亡地九月地大半亡
因與俱出入國絕祀熒惑為亂為賊為疾為喪為

飢爲兵所居之宿國受殃殃還至者雖大當小居
之久殃乃至者當小反大已去復還居之若居之
而角者若動者繞環之及乍前乍後乍左乍右殃
愈甚一曰熒惑出則有大兵入則兵散周還止息
迺爲其死喪寇亂在其野者亡地以戰不勝東行
疾則兵聚于東方西行疾則兵聚于西方其南爲
丈夫喪北爲女子喪熒惑天子理也故曰雖有明
天子必視熒惑所在

太白

晉灼曰常以正月甲寅與
熒惑晨出東方二百四十

日而入入四十日又出西方二百四十日而入入
三十五日而復出東方出以寅戌入以丑未也

曰西方秋金義也

言也義虧言失逆秋令傷金氣則見太白日方南

太白居其南日方北太白居其北爲嬴侯王不寧
用兵進吉退凶日方南太白居其北日方北太白
居其南爲縮侯王有憂用兵退吉進凶當出不出
當入不入爲失舍不有破軍必有死王之墓有亡
國一曰天下戛兵壅有兵者所當之國大凶當出
不出未當入而入天下戛兵兵在外入未當出而
出當入而不入天下起兵有至破國未當出而出
未當入而入天下舉兵所當之國亡當期而出其
國昌出東爲東方入爲北方出西爲西方入爲南
方所居以其國利易其鄉凶

蘇林曰疾過也一說易鄉
而出入也晉灼曰上言易而

出易言疾
過是也

八七日復出將軍戰死入十日復出相死

之入又復出人君惡之已出三日而復微入三日

迺復盛出是爲奕而伏

晉灼曰奕退也不
進而伏伏不見也

其下國有軍

其衆敗將北已入三日又復微出三日迺復盛入

其下國有憂帥師雖衆敵食其糧用其兵虜其帥

出西方失其行夷狄敗出東方失其行中國敗一

日出蚤爲月食晚爲天祇及彗星將發于亡道之

國太白出而留桑榆間疾其下國

晉灼曰行遲而下也
正出舉目平正出桑

榆上餘二
千里也

上而求未盡期日過參天病其對國

晉灼曰
三分天

過其一此成
酉之間也

太白經天天下革民更王

孟康曰謂出東入西
出西入東也太白陰

星出東當伏東出西當伏西過午為經天晉
灼曰日陽也日出則星亡晝見午上為經天

是為亂紀人民流

亡晝見與日爭明疆國弱小國疆女主昌太白兵
象也出而高用兵深吉淺凶埤淺吉深凶行疾用
兵疾吉遲凶行遲用兵遲吉疾凶角敢戰吉不敢
戰凶擊角所指吉逆之凶進退左右用兵進退左
右吉靜凶圜以靜用兵靜吉躁凶出則兵出入則
兵入象太白吉反之凶赤角戰太白者猶軍也而
熒惑憂也故熒惑從太白軍憂離之軍舒出太白
之陰有分軍出其陽有偏將之戰當其行太白還
之破軍殺將辰星殺伐之氣戰鬪之象也與太白

俱出東方皆赤而角夷狄敗中國勝與太白俱出
西方皆赤而角中國敗夷狄勝五星分天之中積
于東方中國大利積于西方夷狄用兵者利辰星
不出太白爲客辰星出太白爲主人辰星與太白
不相從雖有軍不戰辰星出東方太白出西方若
辰星出西方太白出東方爲格野雖有兵不戰辰
星入太白中五日乃出及入而上出破軍殺將客
勝下出客亡地辰星來抵太白不去將死正其上
出破軍殺將客勝下出客亡地視其所指以名破
軍辰星繞環太白若鬪大戰客勝主人死辰星

過太白間可械劔小戰客勝

蘇林曰械音函函容也其間可容一劔也

居太

白前旬三日軍罷出太白左小戰歷太白右數萬人戰主人吏死出太白右去三尺軍急約戰凡太

白所出所直之辰其國為得位得位者戰勝所直

之辰順其色而角者勝其色害者敗

晉灼曰鯨色黃而赤倉小敗宋

色黃而赤黑小敗楚色赤黑小敗燕色黑黃小敗皆大角勝也

太白白比狼赤比心黃比參

右肩青比參左肩黑比奎大星色勝位

晉灼曰有角勝得位也

行勝色

晉灼曰太白行得度勝有色也

行得盡勝之

晉灼曰行應天度雖有色得位行盡勝之行重

而色位輕星經傳得字作德

辰星

晉灼曰常以二月春分見奎婁五月夏至見東井八月秋分見角亢十一月冬至見

牽牛出以辰戌入以丑未二旬而入晨候之東方夕候之西方也

曰北方冬水知也聽也知

虧聽失逆冬令傷水氣訶見辰星出蚤爲月食晚

爲彗星及天妖一時不出其時不和四時不出天

下大飢失其時而出爲當寒反溫當溫反寒當出不

出是謂擊卒兵大起與它星遇而鬪天下大亂晉灼

曰天星彗孛之屬也一日五星出於房心間地動 填星晉灼曰常以甲

歲填行一宿二十八歲而周天也曰中央季夏土信也思心也仁義禮

智以信爲主貌言視聽以心爲正故四星皆失填

星迺爲之動填星所居國吉未當居而居之若已

去而復還居之國得土不乃得女子當居不居既

已居之又東西去之國失土不乃失女不有土事

若女之憂居宿久國福厚易福薄當居不居爲失
填其下國可伐得者不可伐其贏爲王不寧縮有
軍不復一曰旣已居之又東西去之其國凶不可
舉事用兵失次而上一舍三舍有王命不成不乃
大水失次而下二舍有后感其歲不復不乃天裂
若地動凡五星歲與填合則爲內亂與辰合則爲
變謀而更事與熒惑合則爲飢爲旱與太白合則
爲白衣之會爲水太白在南歲在北名曰牝牡晉曰
陽也太白陰年穀大孰太白在北歲在南年或有或
世故曰牝牡亡熒惑與太白合則爲喪不可舉事用兵與填合

則爲憂主孽子卿與辰合則爲北軍用兵舉事大敗
填與辰合則將有覆軍下師與太白合則爲疾爲
內兵辰與太白合則爲變謀爲兵憂凡歲熒惑填
太白四星與辰鬪皆爲戰兵不在外皆爲內亂一
曰火與水合爲淬晉灼曰火入水故曰淬也與金合爲鑠不可舉事
用兵土與金合國亡地與木合則國饑與水合爲
雍沮晉灼曰沮音沮溼之沮水性雍而潛上故曰雍沮一曰雍填也不可舉事用兵木與

金合鬪國有內亂同舍爲合相陵爲鬪二星相近

者其殃大二星相遠者殃無傷也從七寸以內必

之吉年昭曰必有禍也凡月食五星其國皆亡李子奇曰謂其分野之國歲以

飢熒惑以亂填以殺太白彊國以戰辰以女亂月

食大角王者惡之凡五星所聚宿其國王天下從

歲以義從熒惑以禮從填以重韋昭曰謂以威重得從太白以

兵從辰以法以法者以法致天下也三星若合是

謂譙立絕行晉灼曰有兵喪故譙改王故曰絕也其國外內有兵與喪民

人之飢改立王公四星若合是謂大湯晉灼曰湯猶盪滌也其

國兵喪並起君子憂小人流五星若合是謂易行

有德受慶改立王者掩有四方子孫蕃昌亡德受

罰離其國家滅其宗廟晉灼曰宗祖廟也百姓離去被滿四

方五星皆大其事亦大皆小其事亦小也凡五星

色皆圓白爲喪爲旱赤中不平爲兵青爲憂爲水
黑爲疾爲多死黃吉皆角赤犯我城黃地之爭白
哭泣之聲青有兵憂黑水五星同色天下戩兵百
姓安寧歌舞以行不見灾疾五穀蕃昌 凡五星
歲緩則不行急則過分逆則占 熒惑緩則不
出急則不入違道則占 填緩則不建急則過
舍逆則占 大白緩則不出急則不入逆則占
辰緩則不出急則不入非時則占 五星不失

行則年穀豐昌

凡以宿星通下變者維星散句星信則地動

孟康曰散在尾

北齊昭曰
信音申

有星守三淵天下大水地動海魚出紀星

散者山崩不即有喪龜鼈星不居漢中川有易者

辰星入五車大水熒惑入積水水兵起入積薪旱

兵起守之亦然極後有四星名曰句星斗杓後有

三星名曰維星散者不相從也

孟康曰謂不復
行列而聚也

三淵蓋

五車之三柱也

晉灼曰柱音
注解之注

天紀屬貫索積薪在北

戎西北積水在北戎東北

角亢氐沈州房心豫州尾箕幽州斗江湖牽牛婺

女揚州虛危青州營室東壁并州奎婁胃徐州昴

畢翼州觜觿參益州東井輿鬼雍州柳七星張三

河翼軫荊州甲乙海外日月不占

晉灼曰海外遠甲乙日時不以占之

丙

丁江淮海岱戌巳中州河濟庚辛華山以西壬癸
常山以北一曰甲齊乙東夷丙楚丁南夷戊魏己
韓庚秦辛西夷壬燕趙癸北夷子周丑翟寅趙卯
鄭辰邯鄲巳衛午秦未中山申齊酉魯戌吳越亥
燕代秦之疆候太白占狼弧吳楚之疆候熒惑占
鳥衡燕齊之疆候辰星占虛危宋鄭之疆候歲星
占房心晉之疆亦候辰星占參罰及秦并吞三晉
燕代自河山以南者中國中國於四海內則在東
南爲陽陽則曰歲星熒惑填星占於街南畢主之

其西北則胡貉月氏旃裘引弓之民爲陰陰則月
太白辰星占於街北昴主之故中國山川東北流
其維首在隴蜀尾沒於勃海碣石是以秦晉好用
兵

孟康曰秦晉西南維之北爲與胡貉引弓之民同故好用兵

復占太白太白主中國

而胡貉數侵掠獨占辰星辰星出入趨疾常主夷
狄其大經也 凡五星早出爲贏贏爲客晚出

爲縮縮爲主人五星贏縮必有天應見杓

太歲在寅曰攝提格歲星正月晨出東方石氏曰
名監真在斗牽牛失次杓早水晚旱甘氏在建星
婺女太初歷在營室東壁 在卯曰單闕二月

出石氏曰名降入在婺女虛危甘氏在虛危失次
杓有水灾太初在奎婁 在辰曰執徐三月出

石氏曰名青章在營室東壁失次杓早早晚水甘
氏同太初在胃昴 在巳曰大荒落四月出石

氏曰名路踵在奎婁甘氏同太初在參罰

在午曰敷牂五月出石氏曰名啓明在胃昴畢失
次杓早早晚水甘氏同太初在東井輿鬼

在未曰協洽六月出石氏曰名長烈在觜觶參甘
氏在參罰太初在注張七星 在申曰涪灘七

月出石氏曰名天晉在東共輿鬼甘氏在弧太初

在翼軫在酉曰作詔

爾雅作作噩

八月出石氏曰名長王

在柳七星張失次杓有女喪民疾甘氏在注張失

次杓有火大初角亢

在戌曰掩茂九月出石

氏曰名天睢在翼軫失次杓水甘氏在七星翼太

初在氏房心

在亥曰大淵獻十月出石氏曰

名天皇在角亢始甘氏在軫角亢太初在尾箕

在子曰困敦十一月出石氏曰名天宗在氏房始

甘氏同太初在建星牽牛

在丑曰赤奮若十

二月出石氏曰名天昊在尾箕甘氏在心尾太初

在婺女虛危甘氏太初歷所以不同者以星羸縮

在前各錄後所見也其四星亦略如此

古歷五星之推亡逆行者至甘氏石氏經以熒惑
太白爲有逆行夫歷者正行也古人有言曰天下
太平五星循度亡有逆行日不食朔月不食望夏
氏日月傳曰日月食盡主位也不盡臣位也星傳
曰日者德也月者刑也故曰日食修德月食修刑
然而歷紀推月食與二星之逆亡異熒惑主內亂
太白血主兵月主刑自周室衰亂臣賊子師旅數起
刑罰失中雖其亡亂臣賊子師旅之變內臣猶不
治四夷猶不服兵革猶不寢刑罰猶不錯故二星

與月爲之失度三變常見及有亂臣賊子伏尸流血之兵大變乃出甘石氏見其常然因以爲紀皆非正行也詩云彼月而食則惟其常此日而食于何不臧詩傳曰月食非常也比之日食猶常也日食則不臧矣謂之小變可也謂之正行非也故熒惑必行十六舍去日遠而顓恣太白出西方進在日前氣盛乃逆行及月必食於望亦誅盛也國皇星大而赤狀類南極所出其下起兵兵彊其衝不利

孟康曰歲星之精散所爲也五星之精散爲六十四變志記不盡也

昭明星大而白

無角乍上乍下所出國起兵多變

孟康曰形如三足几八上有九莖上向熒

惑之精也

五殘星出正東東方之星其狀類辰去地

可六丈大而黃

孟康曰星表有青氣如暈有毛填星之精

六賊星出正

南南方之星去地可六丈大而赤數動有光

孟康曰形如彗

芒九角太白之精

司詭星出正西西方之星去地可六

丈大而白類太白

孟康曰星大而有尾兩角熒惑之精也

咸漢星出

正北北方之星去地可六丈大而赤數動察之中

青

孟康曰一名飲漢星去月中赤表下有三星從橫亦填星之精也

此四星所出非其方

其下有兵衝不利四填星出四隅去地可四丈地

維臧光亦出四隅去地可二丈若月始出所見下

有亂者亡有德者昌

燭星狀如太白具出也

不行見則滅所燭城邑亂

孟康曰星上有三彗上出亦填星之精也

如星非

星如雲非雲名白歸邪

李奇曰邪音蛇孟康曰星有兩赤彗上向上有蓋狀氣下連星

歸

邪出必有歸國者星者金之散氣其本曰人

孟康曰星石也

金石相生人與星氣相應也

星衆國吉少則凶漢者亦金散氣其本

曰水星多水少則旱

孟康曰漢河漢也水生於金多少謂漢中星也

其大經也

天鼓有音如雷非雷音在地而下及地其所住者

兵發其下

天狗狀如大流星

孟康曰星有尾旁有彗下有如狗形者亦

太白之精有聲其下止地類狗所墜及望之如火光炎炎

中天其下圍如數頃田處上銳見則有黃色千里

破軍殺將

格澤者如炎火之狀黃白起地而

上下大上銳其見也不種而獲不有土功必有大

客

蚩尤之旗類善而後曲象旗

孟康曰熒惑之精也晉灼曰呂氏春

秋云其色黃上白下也

見則王者征伐四方

旬始出於北斗

旁狀如雄雞其怒青黑色象伏鼈

李奇曰怒當言帑帑晉灼曰帑雌也或曰怒

則色青宋灼曰怒謂芒角刺出

枉矢狀類大流星地行而倉黑望

如有毛目然

長庚廣如一匹布著天此星見

起兵星碌至地則石也

如淳曰碌亦墜也

天暝而見景星

孟康

曰暝精明也有赤方氣與青方氣相連赤方中有兩黃星青方中有一黃星凡三星合爲景星也

景星者德星也

其狀無常常出於有道之國日有中道月有九行

中道者黃道一曰光道光道北至東井去北極近

南至牽牛去北極遠東至角西至婁去極中夏至
至於東井北近極故晷短立八尺之表而晷景長
尺五寸八分冬至至於牽牛遠極故晷長立八尺
之表而晷景長丈三尺一寸四分春秋分日至婁
角去極中而晷中立八尺之表而晷景長七尺三
寸六分此日去極遠近之差晷景長短之制去極
遠近難知要以晷景晷景者所以知日之南北也
日陽也陽用事則日進而北晝進而長陽勝故爲
溫暑陰用事則日退而南晝退而短陰勝故爲涼
寒也故日進爲暑退爲寒若日之南北失節晷過

而長爲常寒退而短爲常燠此寒燠之表也故曰

爲寒暑一曰晷長爲潦短爲旱奢爲扶鄭氏曰扶當

間聲如醕醕扶聲近蟠止不行也蘇林曰景形奢大也晉灼曰扶附也小臣佞媚附近君子之側也扶者邪臣進而

正臣疏君子不足姦人有餘月有九行者黑道二

出黃道北赤道二出黃道南白道二出黃道西青

道二出黃道東立春春分月東從青道立秋秋分

西從白道立冬冬至北從黑道立夏夏至南從赤

道然用之一決房中道青赤出陽道白黑出陰道

若月失節度而妄行出陽道則旱風出陰道則陰

雨凡君行急則日行疾君行緩則日行遲日行不

可指而知也故以二至二分之星爲候日東行星
西轉冬至昏奎八度中夏至氏十三度中春分柳
一度中秋分牽牛三度七分中此其正行也日行
疾則星西轉疾事執然也故過中則疾君行急之
感也不及中則遲君行緩之象也至月行則以晦
朔決之日冬則南夏則北冬至於牽牛夏至於東
井日之所行爲中道月五星皆隨之也箕星爲風
東北之星也東北地事天位也孟康曰東北陽日月五星起於牽牛故爲天位坤在西南紐於陽爲地統故爲地事也故易曰東北喪朋及巽在東南爲風
風陽中之陰大臣之象也其星軫也月去中道移

而東北入箕若東南入軫則多風西方為雨雨少
陰之位也月失中道移而西入畢則多雨故詩云
月離于畢俾滂沱矣言多雨也星傳曰月入畢則
將相有以家犯罪者言陰盛也書曰星有好風星
有好雨月之從星則以風雨言失中道而東西也
故星傳曰月南入牽牛南戒民間疾疫月北入太
微出坐北若犯坐則下人謀上一曰月為風雨日
為寒溫冬至日南極晷長南不極則溫為害夏至
日北極晷短北不極則寒為害故書曰日月之行
則有冬有夏也政治變於下日月運於上矣月出

房北爲雨爲陰爲亂爲兵出房南爲旱爲天喪水
早至衝而應及五星之變必然之効也兩軍相當
日暈等力均厚長大有勝薄短小亡勝重抱大破
亡抱爲和背爲不和爲分離相去直爲自立立兵
破軍若曰殺將抱且戴有喜圍在中中勝在外外
勝青外赤中以和相去赤外青中以惡相去氣暈
先至而後去居軍勝先至先去前有利後有病後
至後去前病後利後至先去前後皆病居軍不勝
見而去其後發疾雖勝亡功見半日以上功大白
重屈短上下銳

李奇曰屈或爲尾韋昭曰短而直者也或曰短屈之虹

有者下大流

血日暈制勝近期三十日遠期六十日其食食所
不利復生生所利不然食盡爲主位以其直及日
所躔加日時用名其國凡望雲氣仰而望之三四
百里平望在桑榆上千餘里二千里登高而望之下
屬地者居三千里雲氣有戰居上者勝自華以南
氣下黑上赤嵩高三河之郊氣正赤常山以北氣
下黑上青勃碣海岱之間氣皆黑淮江之間氣皆
白徒氣白土功氣黃車氣乍高乍下往往而聚騎
氣卑而布卒氣搏

如淳曰搏專也
專音徒端反

前卑而後高者疾前

方而後高者銳後銳而卑者卻其氣平者其行徐前高

後卑者不止而反氣相遇者卑勝高銳勝方氣來
卑而循車道者不過三四日去之五六里見氣來
高七八尺者不過五六日去之十餘二十里見氣
來高丈餘二丈者不過三四十日去之五六十里
見捎雲精白者其將悍晉灼曰捎音霄
韋昭曰音賢其士怯其大
根而前絕遠者戰精白其甚低者戰勝其前赤而
印者戰不勝陳雲如立垣杼雲類杼柚雲搏而端
銳杓雲如繩者居前音天其半半天蜺雲者類鬪
旗故銳鉤雲句曲諸此雲見以五色占而澤搏密
其見動人迺有占兵必起占鬪其直王朝所候決

於日旁曰旁雲氣人主象皆如其形以占故北夷
之氣如羣畜穹閭南夷之氣類舟船幡旗大水處
敗軍場破國之虛下有積泉金寶上皆有氣不可
不察海旁展鹽氣象樓臺廣榭氣成宮闕然雲氣各
象其山川人民所聚積故候息耗者入國邑視封
疆田疇之整治

如淳曰蔡邕云麻田曰疇

城郭室屋門戶之潤澤

次至車服畜產精華實息者吉虛耗者凶若煙非
煙若雲非雲郁郁紛紛蕭索輪困是謂慶雲慶雲
見喜氣也若霧非霧衣冠不濡見則其城被甲而
趨夫雷電赧垂辟歷夜明者陽氣之動者也春夏

則發秋冬則臧故候書者亡不司天開縣物

孟康曰謂天裂

而見物象也

天開示縣象地動圻絕山崩及阨川塞谿垓

孟康曰垓音羅康謂谿垓

崩也蘇林曰垓音伏流也如淳曰垓填塞不通也

水澹地長澤竭見象城郭門閭

潤息稟枯宮廟廊第人民所次多言俗車服觀民飲食五穀草木觀其所屬倉府廢車四通之路六畜禽獸所產去就魚鼈鳥鼠觀其所處鬼哭若諱與人逢選訛言誠然凡候歲美惡謹候歲始歲始或冬至日產氣始萌臘明日人衆卒歲壹會飲食發陽氣故曰初歲正月且王者歲首立春四時之始也四始者候之日而漢魏鮮集臘明正月且決八

風

孟康曰魏鮮人姓名作占候者也

風從南大旱西南小旱西方有兵

西北戎叔為

孟康曰戎叔胡豆為成也

小雨趣兵北方為中歲東北

為上歲

韋昭曰上歲大穰

東方大水東南民有疾疫歲惡故

八風各與其衝對課多者為勝多勝少久勝亟疾

勝徐且至食為麥食至日跌為稷跌至晡為黍晡

至下晡為叔下晡至日入為麻欲終日有雲有風

有日當其時深而多實亡雲有風日當其時淺而

少實有雲風亡日當其時深而少實有日亡雲不

風當其時者稼有敗如食頃小敗孰五斗米頃大

敗風復起有雲其稼復起各以其時用雲色占種

所宜雨雪寒歲惡是日光明聽都邑人民之聲聲

官則歲美吉商有兵徵旱羽水角歲惡或從正月

旦比數雨率日食一升至七升而極孟康曰正月一日

食二日雨民有二升之食如此至七日已來驗也過之不占數至十二日直其月

占水旱孟康曰一日雨正月水也為其環域千里內占即為天下候

竟正月孟康曰月三十日周天歷二十八宿然後可占天下月所離列宿曰風雲占

其國然必察大歲所在金穰水毀木飢火旱此其

大經也正月上甲風從東方來宜蠶從西方來若

且有黃雲惡冬至短極縣土炭孟康曰先冬至三日縣土炭於衡兩端輕重通

均冬至而陽氣至則炭重夏至陰氣至則土重晉灼曰蔡邕律歷記候鍾律權土炭冬至陽氣應黃鍾通土炭輕而衡仰夏至陰氣應蕤賓通

土灰重而衡低進
退先後五日之中

炭動麋鹿解角蘭根出泉水踊略以

知日至要決晷景夫天運三十歲一小變百年中
變五百年大變三大變一紀三紀而大備此其大
數也春秋二百四十二年間日食三十六彗星三
見夜常星不見夜中星隕如雨者各一當是時禍
亂輒應周室微弱上下交怨殺君三十六亡國五
十二諸侯奔走不得保其社稷者不可勝數自是
之後衆暴寡大并小秦楚吳粵夷狄也爲彊伯田
氏篡立三家分晉並爲戰國爭於攻取兵革遞起城
邑數屠因以飢饉疾疫愁苦臣王共憂患其察機

祥候星氣尤急

如淳曰呂氏春秋荆人鬼越人機今之巫祝禱祠淫祀之比也晉灼曰機音珠璣之璣

近

世十二諸侯七國相王言從橫者繼踵而占天文者因時務論書傳故其占驗鱗雜米鹽亡可錄者周卒爲秦所滅始皇之時十五年間彗星四見久者八十日長或竟天後秦遂以兵內兼六國外攘四夷死人如亂麻又熒惑守心及天市芒角色赤如雞血始皇旣死適庶相殺二世即位殘骨肉戮將相太白再經天因以張楚並興兵相蹈籍

蘇林曰
此言臺

登躡也
或作蹈

秦遂以亡項羽救鉅鹿枉矢西流枉矢所觸

天下之所伐射滅亡象也物莫直於矢今蛇行不

能直而枉者執矢者亦不正以象項羽執政亂也
羽遂合從阮秦人屠咸陽凡枉矢之流以亂伐亂
也漢元年十月五星聚于東井以歷推之從

歲星也

李奇曰歲星得其正度其四星隨比常正行故曰從也孟康曰歲星先至先至焉主也

此高皇帝

受命之符也故客謂張耳曰東井秦地漢王入秦
五星從歲星聚當以義取天下秦王子嬰降於枳
道漢王以屬吏寶器婦女亡所取閉宮封門還軍
次于霸上以候諸侯與秦民約法三章民亡不歸
心者可謂能行義矣天之所予也五年遂定天下

即帝位此明歲星之崇義東井爲秦之地明効也

三年秋太白出西方有光幾中

晉灼曰幾中近踰身

乍北乍南

過期迺入辰星出四孟

韋昭曰法當出四仲出四孟為易主之象也

是時項羽

為楚王而漢已定三秦與相距滎陽太白出西方

有光幾中是秦地戰將勝而漢國將興也辰星出

四孟易王之表也後二年漢滅楚七年月暈圍參畢

七重占曰畢昴間天街也街北胡也街南中國也

昴為匈奴參為趙畢為邊兵是歲高皇帝自將兵

擊匈奴至平城為冒頓單于所圍七日迺解

十二年春熒惑守心

李奇曰心為天王也

四月宮車晏駕

應劭曰天

子當日辰起早作而方崩殞故稱晏駕云韋昭曰凡初崩為晏駕者日子子之心猶謂宮車當駕而出可

孝惠二年天

開東北廣十餘丈長二十餘丈地動陰有餘天裂
陽不足皆下盛彊將害上之變也其後有呂氏之
亂

孝文後二年正月壬寅天欖夕出西南

子孟康

曰歲星之精

占曰爲兵喪亂其六年十一月匈奴入上郡

雲中漢起三軍以衛京師其四月乙巳水木火三
合於東井占曰外內有兵與喪改立王公東井秦
也八月天狗下梁檉是歲誅反者周躬長安市其
七年六月文帝崩其十一月戊戌土水合於危占
曰爲雍沮所當之國不可舉事用兵必受其殃一
曰將覆軍危齊也其七月火東行行畀陽環畀東

北出而西逆行至昴即南迺東行占曰爲喪死寇
亂畢昴趙也

孝景元年正月癸酉金水合於
婺女占曰爲變謀爲兵憂婺女粵也又爲齊其七
月乙丑金木水三合於張占曰外內有兵與喪改
立王公張周地今之河南也又爲楚其二年七月
丙子火與水晨出東方因守斗占曰其國絕祀至
其十二月水火合於斗占曰爲涿不可舉事用兵
必受其殃一曰爲北軍用兵舉事大敗斗吳也又
爲粵是歲彗星出西南其三月立六皇子爲王王
淮陽汝南河間臨江長沙廣川其三年吳楚膠西

膠東淄川濟南趙七國反吳楚兵先至攻梁膠西
膠東淄川三國攻圍齊漢遣大將軍周亞夫等戍
止河南以候吳楚之敝遂敗之吳王亡走粵粵攻
而殺之平陽侯敗三國之師于齊咸伏其辜齊王
自殺漢兵以水攻趙城城壞王自殺六月立皇子
二人楚元王子一人爲王王膠西中山楚徙濟北
爲淄川王淮陽爲魯王汝南爲江都王七月兵罷
天狗下占爲破軍殺將狗又守禦類也天狗所降
以戒守禦吳楚攻梁梁堅城守遂伏尸流血其下
三年填星在婁幾入還居奎奎魯也占曰其國得

地爲得墳是歲魯爲國

四年七月癸未火入

東井行陰又以九月己未入輿鬼戌寅出占曰爲
誅罰又爲火災後二年有栗氏事其後未史東闕
災 中元三年墳星當在觜觶參去居東井占
曰亡地不迺有女憂其三年正月丁亥金木合於
觜觶爲白衣之會三月丁酉彗星夜見西北色白
長丈在觜觶且去益小十五日不見占曰必有破
國亂君伏死其辜觜觶梁也其五月甲午金木俱
在東井戊金去木留守之二十日占曰傷成於戊
木爲諸侯誅將行於諸侯也其六月壬戌蓬星見

西南在房南去房可二丈大如二斗器色白癸亥
在心東北可長丈所甲子在尾北可六丈丁卯在
箕北近漢稍小且去時大如挑王申去凡十日占曰蓬
星出必有亂臣房心間天子宮也是時梁王欲爲
漢嗣使人殺漢爭臣袁盎漢按誅梁大臣斧戍用
梁王恐懼布車入關伏斧戍謝罪然後得免

中三年十一月庚午夕金火合於虛相去一寸占
曰爲鑠爲喪虛齊也 四年四月丙申金木合

於東井占曰爲白衣之會井秦也其五年四月乙
巳水火合於參占曰國不吉參梁也其六年四月

梁孝王死五月城陽王濟陰王死六月成陽公主
死出入三月天子四衣白臨邸第 後元年五

月壬午火金合於輿鬼之東北不至柳出輿鬼北
可五寸占曰爲鑠有喪輿鬼秦也丙戌地大動鈴
鈴然民大疫死棺貴至秋止 孝武建元三年

三月有星孛于注張歷太微于紫宮至于天漢春
秋星孛于北斗齊魯晉之君皆將死亂今星孛歷
五宿其後濟東膠西江都王皆坐法削黜自殺淮
陽衡山謀反而誅 三年四月有星孛於天紀

至織女占曰織女有女變天紀爲地震至四年十

月而地動其後陳皇后廢六年熒惑守輿鬼占曰
爲火變有喪是歲高園有火災竇太后崩

元光元年六月客星見于房占曰爲兵起其二年
十一月單于將十萬騎入武州漢遣兵三十餘萬
以待之元光中天星盡擔上以問候星者對曰星
擔者民勞也後伐四夷百姓勞于兵革

元鼎

五年太白入于天苑占曰將以馬起兵也一日馬
將以軍而死耗其後以天馬故誅大宛馬大死於
軍元鼎中熒惑守南斗占曰熒惑所守爲亂賊喪
兵守之久其國絕祀南斗越分也其後越相呂嘉

殺其王及太后漢兵誅之滅其國元封中星孛于河戎占曰南戎爲越門北戎爲胡門其後漢兵擊拔朝鮮以爲樂浪玄菟郡朝鮮在海中越之象也居北方胡之域也

太初中星孛于招搖星傳

曰客星守招搖蠻夷有亂民死君其後漢兵擊大宛斬其王招搖遠夷之分也

孝昭始中漢宦者

梁成恢及燕王候星者吳莫如見蓬星出西方天市東門行過河鼓入營室中恢曰蓬星出六十日不出三年下有亂臣戮死於市後太白出西方下行一舍復上行二舍而下去太白金上復下將

有戮死者後太白出東方入咸池東下入東井人
臣不忠有謀上者後太白入太微西藩第一星北
出東藩第一星北東下去太微者天廷也太白行
其中宮門當閉大將被甲兵邪臣伏誅熒惑在婁
逆行至奎法曰當有兵後太白入昴莫如曰蓬星
出西方當有大臣戮死者太白星入東井太微廷
出東門漢有死將後熒惑出東方守太白兵當起
主人不勝後流星下燕萬載宮極東去

李奇曰極屋
梁也三輔間

名爲極或曰極棟也三輔間名棟爲極
尋棟東去也延篤謂之堂前闡楯也

法曰國恐有誅其後左

將軍桀西騎將軍安與長公主燕刺王謀作亂咸

伏其辜兵誅烏桓

元鳳四年九月客星在紫

宮中斗樞極間占曰爲兵其五年六月發三輔郡國少年詣北軍五年四月燭星見奎婁間占曰有土功胡人死邊城和其六年正月築遼東玄菟城二月度遼將軍范明友擊烏桓還

元平元年

正月庚子日出時有黑雲狀如焱風亂鬚音舜轉出西北東南行轉而西有頃亡占曰有雲如衆風是謂風師法有大兵其後兵起烏孫五將征匈奴

二月甲申晨有大星如月有衆星隨而西行乙酉祥雲如狗赤色長尾三枚夾漢西行大星如

月大臣之象衆星隨之衆皆隨從也天文以東行爲順西行爲逆此大臣欲行權以安社稷占曰太白散爲天狗爲卒起卒起見禍無時臣運柄牂雲爲亂君到其四月昌邑王賀行淫辟立二十七日大將軍霍光白皇太后廢賀

三月丙戌流星

出翼軫東北干太微入紫宮始出小且入大有光入有頃聲如雷三鳴止占曰流星入紫宮天下大凶其四月癸未宮車晏駕孝宣本始元年四月壬戌甲夜辰星與參出西方其二年七月辛亥夕辰星與翼出皆爲蚤占曰大臣誅其後熒惑守房之

鈞鈐鈞鈐天子之御也

晉灼曰上言房爲天駟其陰右駟

占

曰不太僕則奉車不黜即死也房心天子宫也房

爲將相心爲子屬也其地宋今楚彭城也

四月四

年七月甲辰辰星在翼月犯之占曰兵起上卿死
將相也是日熒惑入輿鬼天質占曰大臣有誅者
名曰天賊在大人之側

地節元年正月戊午

乙夜月食熒惑

孟康曰凡星入月見月中爲星食月月奄星星滅爲月食星

熒惑在角

亢占曰憂在宮中非賊而盜也有內亂讒臣在旁
其辛酉熒惑入氐中氐天子之宮熒惑入之有賊
臣其六月戊戌申夜客星又居左右角閒東南指

長可二尺色白占曰有姦人在宮廷間其丙寅又有客星見貫索東北南行至七月癸酉夜入天市芒炎東南指其色白占曰有戮卿一曰有戮王期皆一年遠二年是時楚王延壽謀逆自殺

四

年故大將軍霍光夫人顯將軍霍禹范明友奉車霍山及諸昆弟賓婚爲侍中諸曹九卿郡守皆謀反咸伏其辜

黃龍元年三月客星居王梁東

北可九尺長丈餘西指出閣道間至紫宮其十二月宮車晏駕

元帝初元元年四月客星大如

瓜色青白在南斗第二星東可四尺占曰爲水飢

其五月勃海水大溢六月關東大飢民多餓死琅
邪郡人相食二年五月客星見昴分居卷舌東可
五尺青白色炎長三寸占曰天下有妄言者其十

二月鉅鹿都尉謝君男詐爲神人論死父免官

孟康

曰姓謝名君男者兒也不記其名直言男耳

五年四月彗星出西北赤黃

色長八尺所後數日長丈餘東北指在參分後二
歲餘西羌反 孝成建始元年九月戊子有涑

星出文昌色白光燭地長可四丈大一圍動搖如
龍虵形有頃長可五六丈大四圍所詘折委曲貫
紫宮西在斗西北子亥間後詘如環北方不合留

二刻所占曰文昌爲上將貴相是時帝舅王鳳爲
大將軍其後宣帝舅子王商爲丞相皆貴重任政
鳳妬商譖而罷之商自殺親屬皆廢黜

四年

七月熒惑隕歲星居其東北半寸所如連李時歲
星在關星西四尺所熒惑初從畢口大星東東北
往數日至往疾去遲占曰熒惑與歲星關有病君
飢歲至河平元年三月旱傷麥民食榆皮二年十

二月壬申太皇太后避時昆明東觀

如淳曰食貨志武帝修昆明池列觀

環之或曰即病謝君男故避其時

十一月乙卯月食填星星

不見時在輿鬼西北八九尺所占曰月食填星星

民千里河平元年三月流民入函谷關

河平

二年十月下旬填星在東井軒轅南端大星尺餘
歲星在其西北尺所熒惑在其西北二尺所皆從
西方來填星貫輿鬼先到歲星次熒惑亦貫輿鬼
十一月上旬歲星熒惑西去填星皆西北逆行占
曰三星若合是謂彘位是謂絕行外內有兵與喪
改立王公其十一月丁巳夜郎王歆大逆不道牂
柯太守立捕殺歆

三年九月甲戌東郡莊平

男子侯母辟兄弟五人羣黨爲盜攻燔官寺縛縣
長吏盜取印綬自稱將軍三月辛卯左將軍千秋

卒右將軍史丹爲左將軍四年四月戊申梁王賀

薨

陽朔元年七月壬子月犯心星占曰其國

有憂若有大喪房心爲宋今楚地十一月辛未楚
王友薨

四年閏月庚午飛星大如缶出西南

入斗下占曰漢使匈奴明年鴻嘉元年正月匈奴
單于雕陶莫臯死五月甲午遣中郎將楊興使弔
永始二年二月癸未夜東方有赤色大三四圍長
二三丈索索如樹南方有大四五圍下行十餘丈
皆不至地滅占曰東方客之變氣狀如樹木以此
知四方欲動者明年十二月巳卯尉氏男子樊並

等謀反賊殺陳留太守嚴普及吏民出囚徒取庫
兵劫略令丞自稱將軍皆誅死庚子山陽鐵官亡
徒蘇令等殺傷吏民篡出囚徒取庫兵聚黨數百
人為大賊踰年經歷郡國四十餘一日有兩氣同
時起並見而並令等同月俱發也 元延元年
四月丁酉日蝕時天暝晏殷殷如雷聲有流星頭
大如缶長十餘丈皎然赤白色從日下東南去四
面或大如盂或如雞子耀耀如雨下至昏止郡國
皆言星隕春秋星隕如雨為王者失執諸侯起伯
之異也其後王莽遂顛國柄王氏之興萌於成帝

時是以有星隕之變後莽遂篡國

經和元年

正月辛未有流星從東南入北斗長數十丈二刻
所息占曰大臣有擊者其年十一月庚子定陵侯
淳于長坐執左道下獄死

二年春熒惑守心

二月乙丑丞相翟方進欲塞災異自殺三月丙戌
宮車晏駕

哀帝建平元年正月丁未日日出時

有著天白氣廣如一匹布長十餘丈西南行謹如
雷西南行一刻而止名曰天狗傳曰言之不從則
有大禍詩妖到其四年正月二月三月民相驚動

謹譁奔走傳行詔警壽祠西王母又曰從目人當來

建平元年十二月白氣出西南從地上至天出參
下貫天厠廣如一匹布長十餘丈十餘日去占曰
天子有陰病其三年十一月壬子太皇太后詔曰
皇帝寬仁孝順奉承聖緒靡有解怠而父病未瘳
夙夜惟思殆繼體之君不宜改作春秋大復古其
復甘泉泰畤汾陰后土如故

二年二月彗星

出牽牛七十餘日傳曰彗所以除舊布新也牽牛
日月五星所從起歷數之元三正之始彗而出之
改更之象也其出父者爲其事大也其六月甲子
夏賀良等建言當改元易號增漏刻詔書改建平

二年爲太初元年號曰陳聖劉太平皇帝刻漏以
百二十爲度八月丁巳悉復蠲除之賀良及黨與
皆伏誅流放其後卒有王莽篡國之禍 元壽
元年十一月歲星入太微逆行干右執法占曰大
臣有憂執法者誅若有罪二年十月戊寅高安侯
董賢免大司馬位歸第自殺

天文志卷第六

前漢書卷六

BRARY

重寶大元

百二十萬

示平十一

皆大精

百二十萬

二平為大



11-5-6

注 意 事 項

1. 本館圖書以二部收藏
2. 請勿隨意取閱
3. 如有損壞或遺失者請
告知館員

國立中央圖書館



金

中華民國壹零零年拾月拾柒日

贈送

登記號

A-550f

分類號

083.2/0022

卷數

25-26

備註

8-6

注 意 事 項

- 1 借閱圖書以二星期限
- 2 請勿圈點評註污損折角
- 3 設有損壞遺失情事應負責照價賠償

國立編譯館圖書室

國家圖書館



003687968



線

622.101

245

19

v. 8

舊

籍